


鮮學士集

二



庫文閣内		漢書類
三四函	一〇册	三六二九號

庫文閣内		漢書類
三六函	一〇册	三六二九號

内閣文庫		
番號	漢	3629
册數	10 (2)	
函號	316	102




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



解學士文集二卷目錄

四言古

解氏世系歌

五言古

題吳山伍子胥廟

過曲江張九齡祠

題胡忠簡公敕書

謁青陽公祠

題四景畫

墨菊

杏林精舍圖

為康中正書

送日昇南遊庾嶺

寄蕭公遜


西行寄同鄉諸友

南行寄友

五言絕

五六歲應聲詩四首

早朝



簡胡學士光大二首

謫西竹

題王俊卿壽星

白頭翁圖

寄王恒齋

寄劉日升

寄漁旌野客

贈寫真劉士榮三首

送西昌歐陽永清

題清沂書隱

東李仲侃客蜀忘歸

題畫

鶯聲

題棠雀圖

胡馬圖

題鴈

芙蓉

蘭

竹四首

鮒魚

送人

五言律

回京

贈東平侯之雲南

七里莊為李士鼎題

題鳳凰臺

聽雪軒

寄友 四首

寄胡光大 三首

寄宋子環

發龍江 二首

采石

東西二梁山

荻港

拏吒石

李楊河

小姑山

彭澤

廬山

過生米市

贈人

清江晚眺

五言排律

過安慶謁青陽祠

思親堂

七言古

解氏源流歌

題文山上巳詩後

送曾仲浚歸海州

廬陵玉虛觀

泰和普闍寺

穎州壽量寺

集杜子美詩壽道士東白

吉水崑真寺

穎州徐生扇詩

壽星歌

素扇命題

題壽星

將進酒

題卧龍圖

寄族中諸昆弟

草書歌

胡郭二駙馬和韻

草書歌

草書歌

友恭堂歌

琴清軒

筆妙軒

攬秀軒

行路難

采石吊李翰林

中秋不見月

月中丹桂歌

霽月樓

元日作

求志山房歌

送趙哲赴舉

夢仙歌

聽琴歌

題山水

白鶴圖歌

題松竹二鶴圖

廬山攬秀歌

題黃仲簡石刻

送周同知考滿

送許志學北遊

送劉孟雍之官清漳

送如先

送蕭持高

贈筆工劉節文

寄蕭時徽兄弟

寄黃守一

蘇東坡詩集卷之二十一

二

六

為李士鼎賦南樓歌

姍君士鼎靈芝歌

藍氏如澗堂歌

贈寫真蕭士信

贈友人

送陳孟旦

送友人兄弟還鄉

賦得字水成文送子魯

貫妃妙舞圖

桃源圖

題錢舜舉折桂枝

題梅

題山水障

枯木竹石

題竹

扇中竹樹

西川四景

巫山天下無

瞿塘天下險

眉山天下秀

雪山天下高

題所翁龍

題牧溪虎

題馬

過鄱陽湖

長安別鄒生

西行示姪還家

送友人起服

西行寄甥文瑩

寄胡敬方

盧氏秋夜賦寄王院判

寄新野素上舍

寄浪田鍾鴻飛

寄李時秀才

鑑命相士鍊崖詩

段炳文有子慶之

再贈

正月十五夜有感

夜窓吟

將進酒

長行歌

踏青行

題雪景送蕭典簿

送蕭檢討引高南歸

送劉希夔丁憂還鄉

送徐其

送友人再入蜀

送楊教授之邵武

蘇東坡先生集卷之二十一

贈友人韓太守省親

望潜山歌

池口阻風

繁昌阻風

白扇歌

答胡學士光大

過蒼梧峽

題扇

紙

筆

墨

硯

水滴

題泰和普閣寺壁上畫水

寄周吉士

趙子昂梅竹圖

題王家節婦圖

東湖覽勝

送袁士誨之武昌

送太尹郭子成之房縣

送伴讀黃體方之汴梁

送黃希求給事歸

吳山書院詩

葵軒為御史羅貫賦

雙栢軒

攬秀樓

鳴琴亭

拙存齋

題恒齋卷

劉于京行樂卷

龍山李氏行樂卷

題琴歌

萬竿烟雨圖詩

胡馬出獵圖

龍門行樂圖

松下有老人携童子抱琴

春輝堂

春萱堂

雲林書屋

王子通聚禽圖

戲筆買魚歌

筠窓讀易

百子圖

挽辭

怨歌行

少年行

贈蕭士信

桂林歌

蘇東坡先生集卷之二十一

憂患中贈友人子入覲

春來曲

吉水清潭集虛觀詩

重修崇仙觀詩

寄希顏張先生詩

解學士文集二卷

四言古

解氏世系歌

明明我祖本于軒轅至周武王二十世傳唐侯再世號晉
始大一作唐侯嫡嗣而晉始大族亦有官食菜于解至今平陽粵余故
鄉以邑為氏傳稱解揚曰張曰狐皆顯于晉后耻事秦散
而多胤代丞相福著以鴈門不仕高漢耻一作事隱而終焉侍
中道彪僕射曰祈子著簿書延年受詩萬年將作罪徒燉
煌尚書宗明生司隸光監郡詹事生中庶於少子曰勝烜
赫繼顯建武侯封嗣子曰恭太尹一作太守都尉御史相史涉
步征西相史之子及梁鄒侯光于一作光名漢魏武功吏治考
績稱最梁鄒有子系及結育清聲潔已倫賊所毒永寧有

詔追贈葬祭濟南著族晉史所志征西我系賓客散騎諱
 澈諱興龍子興弟將軍式成護軍奇之拜侯希石康晉燕
 師祈仕后秦明晉瀆震父子仕燕侈止生鎮震一作震業亢
 宗高士叔謙事具南史寔生觀占尚書才華都俞天嘏濟
 陰應愷慰藻侯北夢康世績忠鯁周大司空一作司空將軍生琬
 公琰事具唐史退翁其子諱隱官斬始寓于此吉本廬陵
 子禹刺史肅宗之初世亂未靖一作未定同水臻善南山形
 勝鷓鴣迹符一作符嶺胥宇延慶焉一作焉禹字德遠生幹寵材
 參軍武衛兄弟鼎台軒字德興貞白賜謚進士兼善從笑
 其諱金吾僕射一門皆貴桓桓世隆自西徂東建第營寨
 牆一作牆吉陽肇封力走黃巢退不言功子弼臯暮吳加尚書
 吳唐叔季一作季世家襲一作亦紫朱文粲麗正儒將知兵南

治保身亢宗迓宋之平一作宋及希孟伯軻魁名天聖生安
 及定吉甫彥聖熙寧進上古甫參軍五子文儒持國尤醇
 一一作子五齊芳持國本醇千齡千秋必達必文敬之諱黃世精典墳五
 世碎雍世亦罕同篤于生春漕魁神童進士巽川其字厚
 甫龍翔天飛纂圖序諱莊山上舍忠抗奸權辰峯典教德
 擬平園竹梧死節光于信史二妙同升人謂有子家君壽
 考訓我奉先拜手陳詩幾千萬年一作諱黃下有洪武三
 十一年戊寅正月望日蘄州公二十世孫縉紳謹書
 五言古

題吳山伍子胥廟乙丑

朝驅下越阪夕飯當吳門停車吊古跡靄靄林烟昏一作桑麻
 村青山海上來勢若游龍奔星臨一作分斗牛域氣與東南

吞九折排怒濤壯哉天地根落日見海色長風捲浮雲山
椒戴遺祠興廢今猶存香殘吊木客樹古哀清猿我來久
沉抱重此英烈寬吁嗟鑄鏃鋒宜爾國士寃峩峩姑蘇臺
荆棘曉露繁深宮麋鹿遊此事誰能論因之毛髮豎落葉
秋紛紛

過曲江張九齡祠

停舟曲江滸吊古謁遺祠巖巖始興公遺澤芬在斯堂傾
風雨萃碑斷苔蘚滋芳春奠行旅落日歸文狸唐宮甘無
事衡鑑良獨持弼諧展嘉猷讜論非詭隨讎讎朝陽鳳粲
粲補袞絲側聞卧病沒九廟烟塵飛漁陽突騎來中華混
群夷壯哉砥柱功用舍共安危昭陵鐵馬空仙李祚久移
惟聞蘭菊存千秋恒若茲我來薦微誠載拜當前墀顧瞻

相貌間丰度猶可師武溪何淵淵芙蓉亦巍巍只今相業
隆孰與前修期臨風一長嘯山雨來霏霏

題胡忠簡公敕書

渡江炎德衰顛倒由奸檜胡公進讜言直欲掃蕭艾居然
新州謫名震天壤內恢復事已非能保清靜退孝皇眷先
臣拔擢起滯廢羽儀廊廟間議論猶正大丘園將佚老耿
耿丹心在耆朋旣凋謝一札重恩賚矯首仰乾淳芳輶傳
異代龍章儼如新字畫有餘態前修不可作展卷一長喟

謁青陽公祠

維舟大江滸西登皖城隅遐思浩無際懷古在踟躕桓桓
青陽公忠節隘寰區堅軍守茲壘七載枕戈爰上書久不
報援絕形勢孤全家俱受死取義捐厥軀時去事已往今

名天地俱我來拜英姿靈爽猶儼如
休都起敬仰餘烈臨風發長吁
婉美巡與遠備哉皆丈夫

題四景畫 四首

春陽忽將暹紅芳坐來一作歇山深雲木凋流水鳴咽

樓觀隱空青幽人息環轍望來不可親未得與世別

夏雲歛虛壑宇一作軒輕颺散林垞祖息坐幽宇一作曾無塵

事纓磴泉響非聒聊且均凡情騏驥甘伏櫪飼秣便清冷
物情已俱逸樵路無商聲

秋山風露寒林莽忽摧落山家樂餘暇賓客時剝啄開門
掃敗葉隔屋供醴酪忘情係城府野興轉淳朴白雲淡無
心紅樹相羅絡山僧亦忘機逍遙俯虛壑此景良已佳何
用翔寥廓

冬嶺森瑤林積雪縞絕壁天飛失孤鳥萬鏡喧一作寂

何物行路人旅騎猶歷歷天高人事異長途未遑息獨有

高居朋綸巾坐方適幽觀失歡喜感遇相勞逸孤舟盡日

橫桂楫空倚石立待東方暝一作暝迢遙思無極

墨菊 丙寅

春苗茁芳露貞脆無異姿濯濯等鮮研猗猗競華滋秋風
颯然至殞落紛蓬茨獨茲異眾草烈士當艱危佳色不為
艷貞心常自持粟性夙已定造化無容私

杏林精舍圖 為環州李允誠賦

岐黃去我又世情恒忌醫所以盧扁儔韜光隱蓬茨偉偉
東公著述無瑕疵逝將有知已千載能求師廬陵市闌
闔同姓業在茲翻翻去炎熱寂寞山水涯再傳志隱逸湖

海自遊嬉環州結精舍種杏成陰翳開花二三月遶天紅
雨垂勃如植霞爛郁若雲離披朱實破綠葉金丸墜春泥
未有馴虎異林密衆鳥棲鳥喧景益靜坐起無愁思疾有
不諱者問藥施與之歲文功益茂乎信理不疑悠然順造
物自詠精舍詩米椽無夢寐藻稅非所宜詠苑試如剪環
堵平塗泥戶牖洞虛敞軒楹直無欹此居誠豁達足與明
軒岐我家文水上爽塏頗自怡倦游二十載會有歸來時
醫書亦通曉杏樹陰成惟斯民躋仁壽皞皞同雍熙環州
許來往共享黃髮期

為康中正書

懷君屬秋夜散步詠涼天山空松子落幽人應未眠露滴
梧葉鳴風飄桂花發中有學仙侶吹簫弄山月

中正求書匆匆無暇有此佳紙而筆不稱意為寫真行
草數字用筆傲讓連屬大柴如此其備則求之古人可
也永樂丁亥十一月初八日縉紳書

送劉日昇南遊庾嶺

楓落字江雲霜清寒夜月飄飄劉真長揮手拍珮玦鴻瑤
篋中書久作紅爐雪近別心已遙遐思幾時輟明明空前
鏡照見絲與髮子行勿遲留出門志已豁人心不如鏡對
面異燕越珮玦無用捐贈以雙巨闕

寄蕭公遜

貴人難得意賞我在須臾莫以心如玉探他明月珠昔稱
天桃子今為青市徒鷓鴣悲東國麋鹿泣姑蘇請看鷓夷
子扁舟泛五湖

西行寄同鄉諸友

昔與六七友頡頏麗江鄉上泝濂與洛下撻班與揚齊聲
送逸翮萬里雲中翔都喻冀稷契熙皞窺虞唐未重閭里
選誓作邦家光榮名各忝竊進退齊 昂周子最英特雄
劔白有芒春秋六經學明月抱文章上下數千載歷歷陳
興亡劉君事高節友誼金玉相輕財好結客慷慨非猖狂
落落遂寡合悲風激清霜於中獨少者江夏真無雙總角
貫經史下筆神揚揚錯落粲星斗翻騰倒湖江典章夙所
習不愧瓊與香風波蕩萍梗各在天一方十年屢屈指會
晤不可常死生遂契闊悲痛切中腸緬懷鬻熊後喧朝孤
鳳凰飲啄既孔時噦噦出扶桑安定得吾弟接翅迎朝陽
我行忽萬里飄飄在河湟嚴親且百歲慈母事未衰仰天

指日哭淚若東海洋雞鳴引霜角差逐奴輩行積雪照夜
白羈狐轉淒涼休僞邇羌羯被服馬與羊平波灑如赭鳥
鼠凌蒼蒼人掘得鼠者此鳥悲徬徨神哉此恠異稽首夏
禹王禹功遍安豐一作通此土功最詳我欲事羞述有筆
如長杠鬼神或呵護金石猶鏗鏘秋成買寶笈持以獻

吾皇

南行寄友

結髮事

明主摛文翔鳳池載筆侍幃幄衣繡當前輝煌煌沐 恩眷
省覲歸庭闈十年遭運否河隴孤棲遲東還未展翮一麾
復南馳時來過鄉郡訪舊同邀嬉留連接歡宴不忍暫相
違稚子知我去寤寐牽裳衣小妾中夜泣為言歸何時丈

夫四方志離別何足悲今逢

天子聖底定如京圻多才實濟濟中外羅星棊治效日熙皞

斯民信無為自當安蹇拙守此年命奇

聖恩許謝事樂矣不復疑壺觴集群彥遲我從南歸

五言絕

縉五六歲時長者戲之曰小兒何所愛應聲作詩四首

小兒何所愛愛者芝蘭室更欲附飛龍上天看紅日

又

人道日在天我道日在心不省雞鳴時冷然鐘磬音

又

聖人有六經天地有日月日月萬古存六經終不滅

又

小兒何所夢夜夢筆生花花根在何處丹府是吾家

余未能言時頗知人教指夢五色筆筆上有花花如滿

昔者當五六歲來遂盛有作未甚能書往往忘不復記

此由從祖淵靜先生戲命賦成詩頗傳頌不欲棄置因

識于此聰明不及于前時道德日負於初心益見韓子

之言為信然縉紳書

附錄公孩童時父母恐勞心力戒作詩公領諾一日

母掃地那移雞罩公見之遂口古曰淨掃堂前地輕那

罩內雞母曰着你休吟如何又吟分明只說話又道我

吟詩洪武中上宣遇雨上問卿衣濕否對曰未濕

上笑曰解卿言無實如何不濕衣公遂對曰前雨有明君

在後有太陽隨一日時雨降族祖淵靜問曰此雨值價

多少公對曰牆上三板濕地下一犁深問兒多少價遍

野是黃金公若此甚多不能載載其一二以著公少時

神異云

早朝

驄馬五更裘披衣上繡鞍東華天未曉明月滿闌干

贈西平侯沐英

解春南先生文集

卷之三

七

公

彩鳳有遺

辨皇皇泣載途

神龍親哺育躍馬贊

皇圖

簡胡學

士光大二首

聖主開東

閣群賢已滿朝早驂孤鳳尾側目望雲霄

又

青雲坊下

崑萬里此分襟俟有傳書鴈相期弋上林

謫西竹

作吏謀全

拙從軍事亦非鄉心秋塞鴈盡日向南飛

題王俊

壽星

寶笈龍懸

似琪英繡紱麋德星槐樹裏長照萬年枝

白頭翁

四

倦飛甘白

目竹實正穰穰不敢先嘗食睥睨待鳳凰

寄王恒齋

先生天下士野客獻龍頭南極星如月河洲不可留

寄劉日升

西河四千里暫去憶重田多種林園杏花特共舉杯

寄漁旌野客

最憶羅昭諫超然樂簞瓢歸來萬里道細細問漁樵

贈寫真劉士榮三首

僕也慙瓊偉丹青賴爾傳皇風清薊北有待畫凌烟

又

積陰連十日定有上江風千里難為別因君羨去鴻

又

春盡故鄉來秋深別我歸宦情斜日薄猶自念庭闈

解春兩集卷之二
送西昌歐陽永清韶州訓導

獻策黃金闕之官嶺外州送君離恨少江水共悠悠

題清沂書隱

清沂河上路芳草東西渡時有讀書聲雲山自朝暮

東李仲侃客蜀忘歸

寄語君嚴父烏江錦似花故園如此好安得不歸家

題畫

溪船蕩悠悠溪翁時相語何事溪上鷗向空忽飛去

鶯聲

鶯覺蘼蘼夢頻聞恰恰啼只疑窓紙外却在柳陰西

題棠雀圖

秋實正離離差池未欲飛朝陽鳴鳳起還向上林

胡馬圖

破衲自風沙燕天壓雪花草間狐兔盡歸去 帝王家

題鴈

昔與鴈同歸今來鴈此飛殷勤囑鴈過來往莫相違

芙蓉

木末有芙蓉宛在水中沚若向春風開無人看桃李

蘭

幽蘭不避春難為蘭上雪紉佩焉敢多留根待風月

竹 四首

此君心事好不與衆爭榮祗許涼風至時聞玉珮聲

又

渭水自悠悠年華春復秋竹林空翠影長伴月光浮

又

春雨蛟龍變不妨苔蘚侵蒼蒼孤直者空洞本無心

又

王屋住來久簷簷最愜情水霜知晚節風雨耐寒聲

鱒魚

記得長淮上金籠進御時祗今無貢獻終日戲漣漪

送人

落日照大堤花間聞馬嘶城頭鼓角起相送午門西

五言律

回京

聖恩寬逐客萬里聽歸來未上凌烟閣先登望海臺水圍翠浪擁湖拓碧天開目斷雲飛處終身愧老萊

贈東平侯韓勳之雲南

青春二十餘文武竟誰如手揭千鈞鼎胸蟠萬卷書誓心依日月盡力剪羌胡稱爾封侯貴雲臺有畫圖

七里莊為李士鼎題

七里幽居好江深釣艇閑石橋流水碧啼鳥落花斑載酒尋春去哦詩步月還陶然天地外萬事不相關

題鳳凰臺

又遊龍虎國每上鳳凰臺一水浮衣帶三山落酒杯東南形勝在遠近畫圖開有感風雲會從天五馬來

聽雪軒

虛簷迸玉鳴入夜轉分明風響不相似雨聲無此清倚憲情不卷撥火耳須傾想是梅花落梅花落更輕

寄友四首

一自登天府聲名舉國傳鳳池皆縮首禁死盡推賢威鳳
青雲上祥麟白日邊上林人共喜幾度錦衣還

又

風高楚天碧秋醉鳳凰池京國三年客扁舟歸獨暈滿傾
桑落酒折盡桂花枝政爾相思處逢君又別離

又

鶴髮重華簪都門酒共斟家傳三世學橐有二疏金
聖主恩如海故山雲滿林承家賢子在相勗嗣徽音

又

文淹詞館寓新捧璽書還白髮臨漳水青雲動楚山文稱
一道重政靜百司閑後有湖南騎因之解別顏

寄胡光大三首

前日及柴扉行休頗自怡問人別後事得爾寄來詩處世
的如夢勞生能幾時冰霜惟自潔窮達任何如

又

上蔡音書近高談復論文六經懸白晝千載信浮雲漢簡
何多鑿秦坑亦合焚操觚任緩頰安得見華勛

又

斯文天所賦吾道晚初成閑若陶元亮狂為禰正平登高
天已曠對月鏡逾清坐到晨鍾發寂寥三四星

寄宋子環

聖恩寬逐客不遣過輪臺談笑潼關去雲霞仙掌開故鄉
深念汝遠道竟能來明日相思處高秋鴻鴈回

發龍江 二首

龍江候明發戀闕倍思親風急回征鴈舟行別故人望中
知里聞夢想聽韶鈞後夜多遙念風生淮水濱

又

仲氏同吾去伯兄還帝城重來應有日此別不勝情
帆檣去雙雙鷗鷺迎到家無限好桑梓盡經行

采石

采石磯頭過浩歌歌北風英雄爭戰處今古有無中李白
猶青塚桓温失故封五通遺廟在陳氏拜郊宮

東西二梁山

舟行過絕壁望望似蓬瀛亂石差差下閑花冉冉生潮痕
當日淺風浪一時平自昔當空立瀆應作外城

荻港

長江天設險成敗百年中荻港鳴鑼退天驕殺氣雄三軍
猶未戰兩岸一時空萬古奸臣禍誰云曆數終

拏吒石

巨石水中流噴吼水面浮端然勞砥柱恍若隔瀛洲風雨
波濤險魚龍窟宅幽江湖多勝迹來往一凝眸

李楊河

自入李楊河青山兩岸多馬當峯夾險龍渡峽流梭突兀
一拳石奔騰萬頃波今朝逢小至擊楫大風歌

小姑山

海門第一關巨石水中間陰雨蛟龍出天晴鶴鶴還一川
浮玉笋兩岸見青山亦有摩崖宇蒼苔點點斑

彭澤

青山圍一縣隱隱見人家亂石江邊出孤帆帶日斜翠漆
官舍柳香泛驛樓花不見陶彭澤湓城起暮鴉

廬山

扁舟過彭蠡遠見匡山巨石危將墮陰雲去復還平鋪
三百里高出九霄間又在風塵際覽觀心自閑

過生米市

舊日聞生米如今屬舊遊仙人傳有術我輩見無由楓
長洲晚仙茆舊宅秋平明聞磬響樓觀在山楸

贈人

汝父匆匆別心知去路長誰憐吾獨往汝復鴈隨陽淚洒
驚秋葉登樓望故鄉天憐歸及早猶得拜高堂

清江晚眺

清江臨望處一一見鄉山玉筍浮雲去金川夕照殘維舟
訪舊隱飛鳥倦初還歸到仁山下漁樵日日閑

五言排律

過安慶謁青陽祠

舊日聞余闕連年過故封江聲長不改山色更無窮廟貌
空陳蹟淒涼近學宮鷹鷂雖逐鳳豺虎竟從龍忠義聲名
著奸雄事業空遺民思舊德後代慕遺蹤尚有雲仍在蕭
蕭多老翁

思親堂

江右多名邑延陵著孝思仙家傳壽考宦譜益華滋陟岵
勞行役雲山屬望依發身異揚顯歷代廢戎機雲路丹心

烟高堂白髮稀
豈慚毛義傲
惟戀_{老萊}衣
釋褐看將近
懷章足可知
畫游衣錦日
晨省及門時
蘭玉清風穆
椿萱淑景遲
南陔宜度曲
既醉可言時
舉酒調珍膳
安居奉履綦
年孺琴瑟歲
歲樂墳篋
積善臻遐慶
蒼旻不爾私
七言古

解氏源流歌

丁卯載親筆族譜

鴈門叔謙楚梁顛
元城之居琬公琰
安史之亂遷廬陵
隱退翁子禹德遠
幹宏材生軒德輿
從美蕪善同水居
盛世隆家一作營寨
吉陽生弼臯謨
迨事唐文絜麗正
子希言解氏門祖
朝元坊一作其子翔希孟軻母曾氏是曰希言同父弟一作異母弟仁宗嘉祐徙鑑湖
篤生參軍安吉世維持國出胄監千齡慶邁亦接武承事必達夤敬之生春諱谷

生登仕登仕兄弟有四人
次子夢斗昭子字

一作次國莊山昭字子

昭子莊山二嗣賢

一作莊山二子皆稱賢應辰是兄應申第辰峯浩

軒學者師

一作衆所師

辰叟申叟是其字子元真我竹梧號子

蒼存我蒼林老子文先我及子期立我則參亦其號時我子雨稱時雨五兄弟者皆聞道浩軒有子觀與蒙觀我求我名蟾宮子上子脩其本字蒙曰仲正觀伯中八人真我登高第成我最季泰季通一源萬派流汪洋一本萬條陰蔽芾廬陵至是十一世萬世子孫宜善繼

題文山上已詩後

崖山雲寒海舟覆
六載孤臣老燕獄
東風杜宇三月三五
陵望斷春蕪綠
墨花皇皇五十六
寫出江南愁
萬斛當時下筆眼如虎
日落天低鬼神哭
揚帆昔走儀真船
手持鰲

柱擎南天間關嶺海血灑傲回首家國隨飛烟六宮粉黛
黃埃裏漢火無光吹不起金軀肯學褚淵生嚼舌甘為杲
卿死薊門草碧春淒淒高官不換西山薇哀吟一曲肝腸
裂勁氣萬丈蛟龍飛當年恨殺葛嶺賊恨不剗心食其肉
堂堂忠義行宇宙白日青天照遺墨落花寒食風雨時展
卷如對龍虎姿再拜酬公金屈卮有酒不讀蘭亭詩

送曾仲浚歸任海州

吉州屬邑雄西昌龍河武姥青玉光霸先城頭霧氣紫山
谷祠下洪流瀧黃頭將軍擊妖賊萬鼓天聲響橋側至今
父老傳誦之忠義名邦字深勒曾君世系出西昌初來吏
部神揚揚三年佐郡壓青兗九載相逢歸故鄉我服衰麻
世所哀君今衣繡世所榮哀榮共在故鄉好明日分襟無

限情

廬陵城西王虛觀

廬陵城西有黃壇五岳秀拔當天關黃君昔年此煉丹瑞
霧倏燦霞采殷龍光騰騰霄漢闢井水玉液溫可塗丹成
白日遊區窳陟降珮玉聲珊珊餘光下燭凝可拔星冠雲
集振鷺班棟宇金壁垂雲爛視釐祈祥夷險艱福慶大來
若河山稽首上帝不遺顏五風十雨如循環

泰和普閣寺壁顏輝盡

涂生少與鬼神遇家在吾鄉社山住踏破山河盡得名顏
輝服役從之屢清貧面壁自輝手旋題粉堊分新舊匣移
好事為汝留百年風雨人間壽泗州一盂捲滄海娉婷妖
孽顏如灰水平咄嗟具湯水運持萬斛青蓮開胡奴金童

角春... 卷之二
髮拳曲鼓聲喧叫萬回玉環堆壞不能扶天台惠林游
國都杖頭三國幾英傑識者當時知有無忽從殿角見彪
虎倉皇悔不彎弓弩走過盤拿值一龍前額披鱗咸爭武
兩禪痴坐殊不驚松陰露滴秋冥冥寒山捨得笑何事老
佛垂髮東南行定光亦向長汀去千年獼猴作人語徵也
光華照末來胡雛那得相賓主光中兵甲血相濺石勒諸
兒眼如鼠括囊笑殺萬緣空醯雞起滅何匆匆男兒一身
佩宇宙後萬億劫應相逢神交語了未可終金雞飛出扶
桑紅靜菴道人正結夏赤脚擬踏峻嶒峯邀我題詩畚明
月如此風流何遠公古來夢幻當相續天地茫茫有形枯
生事不豐隨眼前世間何事非蕉鹿跨牛菴前芳草綠直
上青天放黃犢機鋒禁署騰玉霄風流太史黃山谷

贛州壽量寺中興修造碑詩

空同之山高嶙峋章貢二水城夾圍鬱孤臺前氣氛氳異
人感化通明昏盧氏花果真祇園珠林靜鎮塵市喧一彈
指頃五百載苦行持立志孔仁度超劫灰敢叫闌精神有
格回天鈞緇衣寂寂樂復臻竝立砥柱洪河津金鋪獸闥
眩錦新庶士趨拱來如雲祝仰

聖世宗華勛萬歲日月同朝暉萬歲表揭太史銘

句容縣茅山觀東白道官能文章且長於詩無以爲壽
集杜子美詩二十句贈

冰壺玉衡懸清秋神仙中人不易得往時文采動人主自
恠一日聲輝赫憶昨逍遙供奉班風雨不動安如山詞源
倒流三峽水時聞雜珮聲珊珊先生早賦歸去來鯨魚跋

浪滄溟開致身福地何蕭爽石田茅屋荒蒼苔繡衣春當
霄漢立雲近蓬萊常五色池上于今有鳳毛秋水爲神王
爲骨百花潭水即滄浪星宮之君醉瓊漿西望瑤池降王
母南極老人應壽昌

吉水三峯崑真寺重修法堂詩

崑真之峯青插天中有佛手盤之圓佳花美竹秀以娟艷
艷崑窟開金蓮大雄樓殿虬龍騫禪伯歌笑雲裏眠昔年
曾此書石鐫當時賓客何駢闐即今一十有七年梵宇咸
備施周垣矧有餘力及福田離相興國危復存兩賢高誼
古所敦仁愛吾儒將赧然天龍守護鬼物跼坐看滄海思
綿綿

題贛州徐生扇詩 戊辰

虎頭城中十萬家家種得冬青樹葉葉涼生五絲雲看
雲直過江東去江東徐生真可人相逢忽若平生親齊紈
照落崆峒月趙酒醉覺南溟春扁舟遠過維揚去三川浪
拍銀沙渚夜半涼風吹水衣頃刻湘雲化龍虎徐生知汝
一心涼貯看蒼生待霖雨

素扇命題

紙竹修成白似雪湏比銀蟾光皎潔任君展放又收來覆
覆翻翻重摺疊舉搖飄飄起清風能解三伏炎暑熱玉堂
學士也曾懸公侯常帶朝金闕自從分別在人間每歲相
逢五六月榴花噴火正當時梧桐葉落方絕歇

壽星歌

紅雲晝繞金銀闕樓觀重重高日月人間未食一作瑤海

解春甫先生文集 卷之二
梅靈飈已送燕山雪風吹 肯秋色深龐眉皎首坐松陰
名香一炷祝高厚八荒壽或同人心漢庭鳩杖勞君賜白
水一作水滿自任煎煮道成合得再相逢天土蓬壺作
賓主

題壽星

玉堂燕寢眠紫雲夢謁蓬萊東海君手招太白塞若木身
騎箕尾跨南辰是時秋分日在丙南極老人坐真境精神
散作白銀光烟霧葱蘢出東井蕭蕭兩鬢明如雪笑我青
年惡華髮手持綠玉當我前度我長生九還訣朝來旭日
開瞳矐按圖忽見白頭翁不知宇宙幾甲子丹光滿面生
潮紅長松團空結深綠芝草琅琅滿空谷一泓清沼活靈
龜數尺階除伏馴鹿滔滔逝水催時改碧桃花發春長在

請君細和白雲謠小住崆峒八十載

將進酒

故人手攀金屈卮進酒與君君莫辭仲子不援同產服孟
公肯顧尚書期當歌感激風相結吳姬楚苧莫停舞黃河
東走不復回白日經天豈能駐田文昔日嘗經過朝酣暮
樂艷綺羅高臺已傾曲池廢祗今誰聽雍門歌我有一曲
側君耳世事悠悠只如此子雲浪作投閣人賈生空吊湘
江水春風南園花滿枝莫待秋風搖落時東山嘯起徒為
耳乘時莫負高陽池

題卧龍圖

百二山河龍彩 漢家蒿萊滿宮闕中山帝子絕世賢散
盡旌旗計成拙蒼皇落日南陽低抱膝窮簷聞馬嘶陰陰

桑樹轉踈影何意忽感王孫知曹瞞欺孤如蜮鬼豈料君
臣得魚水三回鞭轡入柴扉主賓顏色皆英偉開心見誠
兩不疑指掌經綸見尚遲華容空今一兔走滎水徒慙六
出奇堂堂雲長悲若救區區陸子能深計相國空懷十倍
才孫曹弱主皆為帝王雙血寒鐵燬張郃夢啣金僕姑
皇天竟天中流柱江水空流八陣圖雲龍風虎護儲胥白
日高懸照肝膽徒令忠奮貫乾坤每讀令人動悽慘

寄族中諸昆弟

己巳

自從到此忽三月每日揚鞭歷城闕花驄蹴踏御苑塵南
風處處飄香骨天闕黃雲身世高親舍白雲情更切諸兄
飄然絕世姿每念情親思激烈江湖千里多風沙恨不日
日見顏色都門柳色長青青上林鶯聲如有情長淮萬古

夫不盡鍾山朝日摩青冥又聞征鴻叫河渚雙雙紫燕鳴
鷗楹縱觀萬物皆得所感我躑躅心未平鄉人前日西江
來歡呼倒徒爭相迎家書一字千黃金何得許久無丁寧
夢寐常思誦棠棣覺來不忍歌鵲鴝吾宗之盛聞自昔未
有遺子金滿籬抱玄白首不足怨况乃八世當莫京干將
莫邪世不識屠龍斬虎人始驚丈夫落落事高潔蒼蠅貝
錦徒營營生逢堯舜難自棄况有門戶憑誰撐古云學所
以干祿但將無忝爾所生天生富貴時自來豈肯逐逐為
縱橫况聞進銳者退速人有高才須檢束但能鞭辟近裏
來左右逢原無不足古云兄弟真天倫怡怡勿以踈間親
千金萬戶皆外物豈以外物傷天真千流萬派同一源千
葩萬卉同一根如何同氣有乖刺致使天下誇雷陳興言

解春月先生文集 卷之二
及此靡有他母以彼此殊其心芝蘭玉樹遶庭砌我今慚
媿臨風前鏗金憂玉聞鈞天諸兄歷落俱群仙明珠孕蚌
發光彩瑜瑾在璞晴生烟信知囊括自無咎肥遯可以棲
林泉高歌擊壤天地寬仰事俯育俱陶然簡夫軒軒氣蓋
世飄飄直有凌霄志銀河萬斛洗胸中日解千牛刀方試
思別展轉不得寐零露瀼瀼鶴初唳同輩諸弟賴琢磨要
使家聲無廢墜乘風翩然好下來素書先遣征鴻至最念
從兄及朝弟自從生長無遺戾臨池絃誦喜忘食清夜高
談不知寐江南江北萬重山今年去年別時汨在家長日
思登天到此何由能縮地康寧足可齊中郎好與榮也相
頽頽茅穿淺土利霜戟寶劍出匣生寒芒讀書可以繼祖
父有道自足輕侯王我言再三爾當記正當努力斯時康

草書歌

右軍從龍天上飛神勇力挽青雲旗天遣明月洗兵甲錦
衣珮玉趨丹墀右軍夙昔耽文儒見說生來尤好書墨池
春浪玄蛟舞月中兔毫翻霜車雷驚電掣有得意神索鬼
籥輕吹噓醉醒夢寐不釋手指畫往往施襟裾書成游藝
無拘束豈肯傾心媚流俗揮毫落紙頗自珍露顆麗珠艷
華屋昨者朝回多暇遊人人擁馬爭來求雲蒸雨灑一瞬
息千樹萬樹春光流我從結髮工書癖二十年來厭陳迹
耳畔空聞雨漏墻眼前未見錐穿石昭陵雲鬣隨風海熙
陵棗刻今安在但見驚沙與夏雲造化師資未曾改靜觀
時聽龍一吟笑殺人間痴凍蠅為愛右軍好心事書家父
許為同盟碧幢畫壁庭槐綠黃金橫帶人如玉坐想羲皇

畫卦圖豈知會稽入深木龍門鐫石頌河清萬歲千秋鎮
坤軸

與胡郭二駙馬奉天門和韻

珠簾月冷風驚幄翠被宵寒悄無樂小奴鼾睡呼不醒起
見銀河漸將落金爐添火試沉香偶坐高吟動寥廓當今
貴人君最貴袞袞貂蟬事天爵甘心已許同斷金苦口寧
辭充一藥我曹一官自身致看盡浮雲生碧落少年莫學
兒女情上古聖賢志當作宴安奢侈有深戒君不見漢家
金張與衛霍

草書歌

我生十載燈窓間學書晝夜何曾閑墨池磨竭滄海水禿
筆堆作西川山豪來酒傾八百斛醉後顛狂隨所欲手
兔毫任鋒鋦掃破鸞箋千萬幅一筆橫一筆直金鎗豎地
錐穿壁白虹界破青旻天清泉瀉下丹崖石一點大一點
小夜半流星隨月走飛空彈石上雲霄出海驪珠爍牛斗
媚如扱花美女逞新粧勇如操戈武士當戰場動如絲鸞
紫鳳爭翱翔勁如秋蛇春蚓各奔忙態如濃雲千萬變勢
若晴空閃雷電秋空排雲鴻鴈飛春江洶湧蛟龍戰君不
見王右軍當年曾作籠鷲人丈夫有志亦如此筆下自有
鬼與神

草書歌

君不見張旭號張顛飲酒飲三盞醺來草聖傳又不見李
白號謫仙飲酒飲一斗詩吟一百篇我本江南一狂客非
白亦非顛飲酒飲一石吟詩吟一千不信邀我到酒池邊

解春甫先生集 卷之三
朝飲復暮飲揮毫落紙染雲烟

友恭堂歌

庚午

猗嗟鞠子之歌兮念父母及兄弟予信兮况妻子之好合
兮宜兄宜弟之具兮樂怡怡且孺兮令綽綽而裕兮視鵲
鴿之於急難兮瞻鴻鴈之於嘹唳兮感歷山之號泣兮與
荆蠻之逃避兮雖吾生之庸兮猶成授之大器彼聖賢之
重誼兮是天下其如寄矧瑣尾之私利兮紛冥頑兮絆示
聆漢謠於春粟兮感鄭莊之投餌宜人類之不為兮彼欣
然而得計噫昏昏其流俗兮斯明明於今世堂赫赫以弘
構兮聯璧璫其瓊瑋棠棣兮復承杜潛兮附麗琴雍雍而
瑟如兮篴嘒嘒而填迤尚油油其引類兮庶斯民之攸意

琴清軒

大瀛海上三神洲飛仙挾我同遨遊銀臺金闕麗霄漢琪
花瑤草涼如秋中有祥人粲霞綺臉若丹砂玉為指遙持
三尺爨下之孤桐鳳喙龍唇半焦尾芙蓉隱褥青石床博
山爐薰沉水香珊瑚鴈足水晶軫吳絲絙絃水縷長一絃
初試韻殊絕松稍輕籟鳴騷屑二絃再鼓聲琅琅石上寒
泉灑晴雪彈之三四沉且幽空谷倚蘭香霧浮祥雲捧月
海底出海色含光疑不流移宮變徵逾五六鳳飛冥冥秋
氣肅神棲貝闕凜乎不可留離鸞翔飛鶴驚宿泠泠撫遍
七絃終方壺員嶠來天風神魚躍出九淵浪潛蛟騰舞馮
夷宮神仙驚駭攬衣起毛髮蕭騷颯如水恍然不知天宇
皆肅清只疑身在水壺裏我亦與之渡海壘仙凡間隔三
千年幾迴夢寐想丰采妙音落落無由傳近登群玉峯遍

踏丹崖石望見紫蘭溪涓涓湛沉碧忽逢當日島中仙謫
降塵寰人不識玉童猶抱一張琴囊封古錦徽黃金開懷
為我奏一曲坐令萬木含幽陰群雄杳渺迥高邁似就鈞
天破壘曠萬斛煩襟斂掃除目曠神怡絕纖芥君莫是攀
龍會上九天飛學得軒轅數曲之所為又莫是早年出入
宮禁侍虞舜記得五絃琴上南風詩不然何事列仙籍復
向人間寄蹤跡收琴且莫尋舊遊共展颺車跨鰲極跨鰲
極登玉京君彈山水調我續升天行與君唱和永終日盡
寫乾坤萬古情

筆妙軒

管城子爾能圖天文又能貌地理六經修纂點畫明群書
著述文章美作之之始稱蒙恬後來毛州刺史傳近代喜

稱陸文寶如錐如鑿還如椽善書不擇新與故一鋒殺盡
中山兔江淹夢斷多才華班超投却終貴富聞君製作非
尋常尖齊圓健良有方當窓特書風雨作臨池點染烟雲
香百體書中盡神妙金鵲虎爪生輝耀懸針垂露更清新
不作拙工使人誚陸君早為人所稱英氣凜凜當青春何
當擣取獻天子圖書麒麟閣上人

攬秀軒

東西倚空看翠幙高騎勢欲橫江來青天月照芙蓉影鳳
簫聲合松風迴西山採薇客長往不可接孤高顏色照霜
寒片片秋雲剪松葉南山白石爛生烟叩角悲歌賢
邇來山中亦蕭索空結雲巢擬謫仙王家東軒九江上時
有山人獨來往開窓直與東阜齊遠見青雲夾河上江流

解春兩先生文集 卷之二 三十一

解春河先生文集 卷之三
黛縮光相射對容題詩坐朝日便應歛入廣寒遊何用山
行羨玉質

行路難

倚劍且莫嘆聽我行路難世途反覆多波瀾焦源九折未
為艱君不見漢謠斗粟歌未闌長門蕭蕭秋草殘骨肉之
恩尚如此何況他人方寸間又不見絳侯身榮應繫獄賈
生終對長沙哭功成更覺小吏尊才高寧避明時逐所以
赤松子遠赴中林期誰能吳江上見笑鳴夷皮驪龍有珠
在滄海勸君逆鱗無浪披子推介山下屈原湘水湄當時
杘鑿一不量至今憔悴令人悲行路難難為言滄浪一曲
且歸去長安大道橫青天

采石吊李翰林 辛未

吾聞學士真風流豪氣一作雄直與元氣侔金鑾殿上拜天
子叱呼寵幸如蒼頭楊貴妃捧硯石高力士脫靴貴妃云
捧硯力士脫靴平生落魄贏得虛名留也曾椎碎黃鶴樓也會耀
翻鸚鵡洲也曾棄却五花馬也曾不惜千金裘呼兒換
取采石酒花間滿泛昔益甌醉來問明月月映金波流一作
明月金大呼陽侯出江海騎鯨直向北極游我來采石日
已暮潮生牛渚聊躡舟白浪一江雪滾滾黃蘆兩岸風颭
颭我欲起學士相與更唱酬一作欲寫佳句學士恐驚水
底魚龍眠不得一作不天上星斗散亂難為收草草留題
吊學士學士不須笑吾儕磊落與爾俱同儔一再疊
此二句

中秋不見月

吾聞廣寒八萬三千修月斧暗處生明缺處補不知七寶

何以修合成孤光洞徹乾坤萬萬古三秋正中夜當午佳
期不擬嫦娥誤酒盃狼藉燭無輝天上人間隔風雨玉女
莫乘鸞仙人休伐樹天柱不可登虹橋在何處帝閨悠悠
叫無路吾欲斬蛛蛙磔其兔坐令天宇絕纖塵世上青霄
祭如故黃金為節玉為輅縹緲鸞車爛無數水晶簾外河
漢橫水壺影裏笙歌度雲旗盡下飛玄武青鳥御書報王
母但期歲歲奉宸游來看霓裳羽衣舞

月中丹桂歌

婆娑桂樹五千尺廣寒宮中遮月色八月秋清桂吐花天
香散亂神仙宅西湖吳叟烏角巾帝遣伐桂三千春終朝
倚困倦無力嬋娟免笑姮娥嗔我有開山新鉞斧手持直
上清虛府金橋銀橋忽在前笑觀霓裳羽衣舞一砍折枝
柯二砍折婆娑三砍桂樹月中倒四海不覺清光多太陰
之君邀我見封章宜奏通明殿玉皇親賜天樵民留我天
廷十日宴明朝宴罷踏層雲思量惟有斧隨身袖中帶得
一枝出天下方知第一人

霽月樓

我昔乘槎度斗牛夢到黃姑天柱頭姮娥手把一輪鏡邀
我廣寒宮裏遊廣寒之宮九霄上玉宇瓊樓屹相向白羽
翠烟紫霧籠蛟龍盛住黃金榜天孫裁衣雲錦香玉女織
綺成文章左招南極益遐筭右攀北斗傾天漿一株古桂
陰婆娑吳剛持斧休蹉跎千載寒蒼塞宇宙八埏舉棹逢
山河是時白帝行秋令天與初秋金氣應金莖欲採露花
宜銀漢無聲雲氣靜我起問姮娥圓缺何太苦何不長教

蘇東坡詩集卷之三
三

似玉盤一片團圓照千古姮娥笑予何太愚世間萬物有
盈虧不論春花何濃艷當時秋葉還凋衰四時寒暑迭來
往百歲光陰猶及掌顏回好學隕青春彭祖千年亦黃壤
問蒼未及竟銅壺催曉籌金盤半欹倒忽向天西流金雞
酬唱忽驚覺毛髮豎立寒颼颼向來行樂皆如此身在清

江霽月樓

元日作

辛未

喜鵲雙飛鳴飛鳴報春曉元日紅雲上赤鳥萬國山河青
未了我曹與世真奇逢年年此日朝飛龍幾迴遙拜黃金
闕幾迴導駕乾清宮綵箋曾獻平胡頌蓮炬斜輝宮錦紅
屢得升堂拜家慶綵衣猶荷君王聖玉枕山初疑風翼飄
金聲初響盤龍詩磬南隣修善誦佛經東家吾伊讀書聲

道人誦經心總好同善同心歌太平

求志山房歌

雲在山龍在淵雲未霖養晦於陰壑龍未震蟄迹而蜿蜒
所以古來隱居以求志長山大谷往往多才賢君不見孔
明天下士志氣凌蒼天當年未受三顧寵躬耕只在南陽
阡又不見鹿門有英傑別是人中仙耕雲自得隱居志日
今妻子耘其前我嘗寄跡文江裏獨抱遺經究終始亂雲
堆土結松巢一片閑心徹秋水閑來却訪朋江濱落花流
水迷通津溪回路轉得幽勝彷彿桃源春中有高世徒隱
居謝世紛身同鷗鷺侶盟與泉石親不識李倫富不知原
憲貧胸中萬事等孤鶴獨立瑤臺百尺之上月色傳其真
冥觀六合間湛照無纖塵我時一見之翛然清我神呼兒

具酒鱸金鱗瑶琴古劍烏角巾自言足幽志不是甘隱淪
酒酣壯氣橫秋旻為君起舞君莫嗔山房之下日云邁蒼
生有待山中人我欲為君鞭起九淵之潛蟄與君共駕山
頭萬斛之飛雲致身直入九重內要使皇圖萬億茫無垠
送趙哲赴舉
鳳飛五雲裏意欲周八極浩蕩乘天風超遙縱八翼趙兄
英妙行玉山青雲羃歷巫雲間捫參拊井弄明月挽汲平
玉歸伊顏深灌莽羅絡美才子雲相如安在哉何時破浪
駕飛艇共看玉峽之水從天來

夢仙歌

明珠昨夜紛跳蕩天風吹夢直上九天上銀浦流雲壓錦
衾一作寒露脚斜飛濕羅幌是時月嬈搗藥臨丹爐霓裳曲

奏皆仙徒秦階欲升一作睡若無力玉童兩兩爭相扶須
臆豐靈阿香左右總來到一作聽號召駕風鞭霆飛過蓬萊島
不老時吞玉液霜長生飽食金光草周旋遍歷寰宇中九
垓十極隨飛翽安期羨門幾同笑木公金母常相從手閱
陰符與仙篆一作陰府籙笈已滿往來玉房與瓊館或遇滕六
巽二扇威不知寒或到暘谷扶桑行行不知煖覺來飛落
洞庭孺猶呼我是雲中仙瀟湘極浦知何處雲雨荒臺空
惘然一作浦一作二一作女一作搔首仍一作鳴呼人間亦自有真仙何必上
天跨白鶴一作雙鶴

聽琴歌

君是洪都人文采何彬彬一生節操冰霜厲十載交游湖
海春有才不肯事生業往來慣作侯門客樓船海上釣金

鰲車馬門前攢繡軌行囊只載書與琴秋來冬去尋知音
 文絃彈出白鶴舞武絃調處蒼龍吟一聲小水晶盤內明
 珠走梅花落地聽無聲雲淡風輕天杳杳一聲高狂風大
 海翻波濤梧桐葉落敲窓響半空靈籟聲嘈嘈一聲緩松
 篁戛玉瀟湘畔水聲嗚咽下寒川猿嘯青蘿夜將半初絃
 急切二絃遲鶴鳴華表風淒淒少陵無人謫仙死黃金難
 鑄鍾子期三絃四絃間徵羽美人簾下低低語清風明月
 不等閑白雲陽春奚足比五絃音韻諧宮商將軍劔佩鳴
 相當遊魚躍波側耳聽五馬仰秣思騰驥個中希聲誰曉
 會伯牙志在千山外一似仙人蓬島歸雲路天風響環珮
 琴中之樂樂孔多琴中之趣當如何琴調能使妻子合琴
 調能使君臣和琴兮琴兮有深意三尺枯桐托交契龍吞
 鳳沼有佳名玉軫金徽富精緻君不見大舜彈五絃又不
 見孔子操杏壇大哉聖人去已久天風漠漠難為攀方今
 聖德開光耀九重屢下求賢詔止當携此造金門律應簫韶
 入廊廟

題山水

溪山有逸趣蒼崖凌紫烟遠峯落天半中有飛來泉蒼茫
 樓觀出林杪丘園四顧居人少夕陽往往見漁樵古樹陰
 陰亂啼鳥望中峯高雲錦帳如此溪山猶故鄉玄潭觀裏
 三峯出白鷺洲邊二水長碧梧翠竹連江岸一作白沙槎
 菊潭秋嶼花爭亂一作花紛紛好景偏宜白日遊一作醉取
 華每被青春換一作人事恍寄語溪山如有情氤氳佳氣
 常鍾靈山中美酒置千斛待我歸來尋舊盟

白鶴圖歌

翼軫白榆光墮地化作長禽如老翁瑤池蓮花雪中朶末
葉微露丹砂紅軒昂有意出塵表九萬餘里塞長風上天
下天訴真宰朝食幽都暮瓊海月中清淡露彈珠日下和
鳴雲散絲或隨天帝參龍翔或駕群仙翳鳳凰翡翠巢高
混茫上皇皇四達無門傍溟渤崑崙所棲息天地側身思
咫尺吳都衛國兩無情芳草寒烟幾回碧雞群誤落終昂
昂閑情不語春風長羈棲豈為稻粱計且向幽人事仙賞
君不聞薛少保青田馬真出天造一筆能將萬壁開冰凡
雪蟹傳皆好又不聞杜少陵大篇短章神鬼驚長禽自可
百千歲加之詩畫何聲名嗟哉二老世豈無何將軍有雙
鶴圖梅萼橫絕角非孤水出花開香欲剗竹石落落莓苔
敷飲啄不受愛者呼麾之不去喜欲舞招之不來不可菽
磊落豈有軒車污不飢不渴天為徒如此高潔世所無如
此高潔世所無上帝何不喚取歸清都

題松竹二鶴圖

松壽千年齡竹苞向山植仙馭何方來偶此共棲息一作長方

手閉松幾挺竹幾行翩翩雙鶴來何偶此共棲息不隨凡鳥爭翱翔東遊扶桑略西極下上

九天僮咫尺時回啄食向蒼苔會見陪風展輕翼松花雪
落金粉香竹實貯以供鸞鳳九臯一聲徹雲表恠此人立
何昂藏臨臯夢斷洞簫譜但見赤壁山蒼蒼丹砂作頂耀
朝日白玉為羽明玄堂金芝瑤草尚厭飫肉食豈足充君
腸清風徐來山月白起舞琪雪參差光乘軒肯受洪澳海
不受列侯貴携琴蓋與西山將肯受幽人傍天長地久護松竹鳳鸞

備駕天門翔一無此松為棟梁竹為蕩一作羽儀常侍北

斗傍一作雜花不北斗斟酌白玉壺一作人言南崖爛燦

滄海枯一作我喜萬壽千年應一作瑞圖一作何時天上

帝鄉

廬山攬秀歌

昔年拄玉杖去看匡廬峯遠山如龍游半入青天中四顧
無人獨青秀五老與我同春容手弄石上琴目送天邊鴻
二儀自高下吳楚分西東洪濤巨浪拍崖下波光上與銀
河通汲澗玄猿弄晴影長松舞鶴號天風吹我不能立便
欲起把十二青芙蓉弱流萬里可飛越因之獻上蓬萊宮
羲娥倏忽遂成晚往往夢裏尋仙蹤如今不知何人撫此
景樹下一老與我襟裾同披圖題詩要相贈氣騰香霧秋

濛濛子歸煩語謝五老幾時白酒再熟來相從

題黃仲簡所藏夔平章石刻帖後

憶昔瓊林京國居時時得見夔公書長鎗大劔破秋水
賁人公子當璫瑛賀家故物久淪沒喜有此本留堪輿精神
意態宛真跡令我熟視每嘆吁子昂當日亦歛衽亦似唐
有歐與虞后來藏者匪容易黃君重比千明珠再三莫與
凡子語勿將至寶他人狙

送周同知考滿之京作朝天歌

大夫益國之雲仍高曾累世家廬陵憶昨元季四海沸先
親避亂依錦城錦城從來山水好岷峨高高倚晴昊扶輿
清淑鍾偉人容齋先生得名早丰姿不與凡俗同秀眉大
頰仍方瞳携書三載齒胃監折桂一日登蟾宮

先皇召見延英閣除書遠逐遼東鶴練卒朝騎白鼻騮談兵
夜坐清油幕軍中勵志誇才雄飛書上奏明光宮 萬乘
解顏雙闕下千官回首五雲中訃音吹風動盈耳麻衣歸
卧青山裏賈誼先蒙太守徵謝安祇為蒼生起天門裏扣
瞻飛龍承恩佐郡來花封化雨三春桑柘綠東風九縣桃
花紅公餘掃榻看家譜靜念故鄉應在邇夢中聽雨懷公
楸馬上看雲敬桑梓去年入塞按邊儲將士百萬隨專車
英風可繼李北海名不讓侯尚書歸來螺浦春光早種
得棠陰花滿道黃堂太守馳朱幡白髮仙人拾瑤草又騎
瘦馬來文江巽樓下榻書浦床我時得待文章伯再瞻風
采顯鳳凰別來相憶心如病聞道朝天思報改歷統元非
百里才郭公自是中書令官船明日泛長河楊花飛雪南

風多攀轅卧報計已臨岐寫贈朝天歌

送許志北遊 即壯遊湖海

金沙夜照文河白喚得薰風送春色天回星轉祝融旗剪
剪蒲芽穿萍碧萋萋草色連天長離情飄若雲茫茫四方
上下幾萬里安得健翮凌風翔彭蠡湖中月初出鳳凰臺
前吹玉笛廣陵橋頭白雪飛大醉千日騎鸞歸是時旌陽
跨白鶴正向瓊花觀前落載邀汗漫八荒遊始覺寥陽廟
溟漠我向金陵刺釣船錦袍約得瀛洲仙歸來自掃南山
石俯臨綠水聽潺湲傳得琴心三疊高郢中白雪空徒勞
君行忽向廣陵去驚我寃夢心怱怱雨中風帆疾如馬移
時可到匡山下舊遊五老殊闊踈錦字封殘未能馮山東
六逸今何在鄉郡三王不相待欲作歌詞寄寸心山川搖

落無知音一作欲作歌詞贈故調高詞苦情轉深壯遊直
得千黃金明朝且向江頭別五雲化闕相追尋

送劉孟雍之官清漳

去年三月金門下愛子清姿最瀟灑笑剪鍾山五色雲知
是文章已無價我時正買西江船君亦送我龍江邊長淮
無波碧於澱楊花落雪東風顛今年相逢春又暮之官復
指清漳去羅衫紅映海榴天紗帽香生紫微露一觴難盡
別離情聞山楚水烟冥冥太平正好事緩撫若有人來煩
寄聲

送如先

我來環洲纔九齡君家大父如華星開筵坐客光照席門
前車馬喧不停是時君年適四五歲日方名已知數匆匆
聚散稍相違更後十年君十五讀書城南結衆賢我遂名
利升青天青雲足時來下幾醉湖舫江水邊登山便上
雲霄嶺掉艇不傍風中船迷花遠浦拾翠羽弄月綺戶清
嬋娟夢蝶軒高晝初永龍去塵驚思染鼎一枕邯鄲倏一
年悔後醒來尤酪酏都城大熱金虞流忽見君來寬我憂
為言萬事徒為爾歸弄江湖烟樹秋

送蕭持高

少年便與君相識君家兄弟如連壁十年聚散不得去三
載歸休驩更劇却憶京城離別時相看豈忍遽相違歸舟
忽報龍關去使我坐起歸心飛即今無事長相見如何又
買湘江船寒砧落月一時響愁雲片片懸青天腰間寶劍
雙龍紋淬以綠水生紅雲贈行直向洞庭去萬有不測長

隨君

嚴進士晝遊歸鄉有新婚之燕作此以期之臚傳

玉階登群龍黃繖下覆天章紅萬人噴口道姓字一日字
宙聲冲冲就中年少誰第一共道嚴武如冥鴻家君容臺
司典禮昭代制作蟠心胸過庭唯諾靡不究黼藻繪畫明
山蟲正似黃瓊侍臺閣藍田美玉輝山虹臨川筆陣古莫
比龍跳虎卧天門雄晝遊錦采出霄漢鄉郡歸祭歌國風
六珈象服蘋藻潔百兩如雲桃李濃參差流菜亦思服窈
窕但樂琴與鍾晝艦歸一作天朝應及早上林梅雪當青

松

贈筆工劉節文

劉君志氣雄且豪豪來不怕雲天高夜深直入廣寒殿拔
取玉兔長生毫歸來經過渭川曲快刀剪破珊瑚竹急呼
斗酒酌蒙恬製作管城書清屋玉堂學士好者多門前車
馬日相過賣得黃金買書讀讀書萬古名不磨人言善書
不擇筆我言書好皆筆力試將手墨一揮之龍蛇落紙雲
烟濕

寄蕭時微兄弟

憶昔相逢蓋年少白謂同心復同調細看玉樹橫九霄凡
材已怯追飄飄別來臧踏青雲間慚愧飛騰玷華要風微
海濶不盡翰贏得歸來荷優詔步行再上瀘水東又是
相逢七年後握手一笑直顏色高韻齟齬入要妙棣萼勻
黃春晝長紫翠蘭茗競華耀抱琴聽雨元龍樓扁舟弄月
成公嘯倚傳江頭看狎鷗御史山前展清眺楊花落盡天

風急一雨連旬若天漏新書雅句重見褒坐來陡覺沉痾
療感君臨別重依依船下瀟瀟疾於鷁思君展轉不成眠
空山一夜聞猿叫別來無日或相忘青天有月長相照北
海無風不度鵬南山有霧皆藏豹丈夫知己遇有時天上
風雲豈屠釣

寄黃守一

武功仙人黃初平孤雲獨鶴行青冥交予十載比金石閱
盡時人流電驚一真落魄真如寄青眼非醒亦非醉會須
喚起金華羊共飲南山萬年翠

爲李君士鼎賦南樓歌

昔年看遍江外山殺齒拆盡今始還蒲身猶帶雲氣濕雙
袖尚染莓苔斑歸家却恨歸不早大行無如城東好盤餐
悠悠不用尋桃源杳杳終難到故山日夕佳氣浮水深流
出城東頭山光水色清掩映好處正在君家樓晝閑庭戶
無塵雜芝蘭蒲砌天香發夕露浮露處士衣清風爲掃幽
人榻池中水暖萍香時鯉魚鱗甲光參差碧桃映日錦爲
樹岸柳臨風金作枝蒼松擁蓋鳴皓鶴清夜泠泠漱聲作
瑤池抱取月中彈玉酒携來花下酌賞心與景不相違山
水且暮含清耀陶令遙聞卽解印謝公到此與忘歸桐陰
午巷輓轡響鴛鴦飛出荷花蕩採山釣水恣幽尋停雨看
雲任踈放丹鳳離蜀錦紅脆蒲裊裊生清風朝從澗阿
拾瑤草暮向水底攀芙蓉昨宵寒梅放新蕊朔風凍合城
東水要知清興逼人來置身疑在水壺裏積慶孫子多才
賢城東幽室城外田四時樂事都不減中間好處君獨偏

解春甫先生文集 卷之二
樓中有書數千帙山光倒浸溪流急好將家景賦新圖墨
光染透金壺汁便令下筆絕塵埃四面玲瓏窓戶開胸中
自有凌雲志明日韓公騎馬來

為姻君士鼎賦賞靈芝歌

李君家世積德門一門和氣如雲屯幽居 秀產靈卉乾
坤造化成胚暉玉莖聯芳新出土寶蓋呈祥滿 戶靈光
中夜吐虹霓仙質清晨沐膏露煌煌燁燁秀且肥不與衆
草同芳菲珊瑚出水生紅潤璠璣剖石流清輝九莖三秀
誇前古郊廟薦之歌律呂閔苑其花不足言玄洲瑤草何
須數東坡夢見龍成形庭堅記取黃金榮商山療飢保貞
節謝君引喻垂芳馨君家產此符昌熾共範終疇福兼備
異種天成自不凡一心寶愛真為貴疑秀樓上秀愈添奇

香飄座飛綉簾幽人縱賞歡未歇老仙耽翫心無厭我曹
自是狂吟者一見靈芝索詩價揮毫酒墨為君題思若銀
河向空瀉

藍氏如澗堂歌

藍田山水好清雅秀色寒光盪原野石瀨淺淺地底來玉
虹隱隱空中瀉源分流行成千淵湛月寒雲影相射滄波
日夜走禹門春風幾度魚龍化文江望族稱藍氏代有高
人顯聲價上遡元宋幾千載簪纓蟬聯賞未罷只今滿眼
誰獨賢綉衣御史青驄馬憶昨南歸拜先 升堂遽覺淚
盈把為感先人德澤深令名久繫南山下欲令孝思永不
忘要作澗水供圖畫遍尋好手不易得處州高士多奇者
相邀豈但三顧頻山巷衡門屢回駕彭君夙稱湖海豪歷

解春先生文集 卷之二 三首
覽浴溟登太華抽毫點染誠餘事慷慨臨風一揮灑剡藤
拂拭運天機翠壑雲林遶親舍堂中美人有高趣拄杖觀
瀾劇閑暇恍然一見若平生孝思悠悠詎能舍圖成把玩
意無窮要使群賢結詩社蹇予自昔忝朋游例辱殷勤笑
相迓事君益顯事親情篤孝如斯古來寡懿德昭昭揭後
昆奕葉雲仍總憑藉觀茲高誼三大息世無燕許誰能寫
贈寫真蕭士信

太史公疑張子房狀貌娉婷身不長如何運籌帷裏兎
撫九轉諸侯王今喜蕭郎來盡我雄偉魁梧無一可只許
雙瞳傲月華祥雲麗日春風坐祭然一笑筆生花香雲合
沓霏紅霞謂予眉宇照今古鴛鴦豈羨為鴉我感此言
因嘆息此言只許鄒軻識凌烟功臣褒鄂奇房杜灑然迺

無敵蕭郎胸懷亦光霽脫畧形神有真瓊瓊林有筆猗如
山請公亦來開爾顏

贈友人

鳳凰麒麟不世出往者空聞今見之迺知神物別有種亦
若才雋超明時君當妙年好丰采毛骨自是千金姿方駕
曹劉宜獨步抗辭楊馬復先誰逸氣稜稜久無敵射策金
門真破鐫試將一劍決浮雲已覺萬人皆辟易白簡晨驚
玉筍班青綾夜上金鑾直閣外親收進講書榻前醉草平
胡檄紫塞無塵四海清承恩衣繡許趨庭遙瞻日月辭龍
袞笑撥烟霞上鶴翎長林花開啼早鶯金龜解換雙玉瓶
春風如此不一醉壯懷磊落何由平

送陳孟旦

癸酉

白下昔逢陳孟旦溼洼風采稱行空龍頭虎榜湏史事實
劔千金氣似虹金滕竹簡會瀾翻孔壁堯陛指顧間壁上
龍梭纔尺許時來風雨撼湖山

送友人兄弟蒙恩侑還鄉

鳳凰詔下春日溫鵲鴿原上雨露均連日昨枝辭高樹聯
壁今晨歸故園故園桃李正芳華兒憐女惜看紅霞看花
有淚欲滿眼枝頭乾鵲聲喳喳便應扶老出門去報道二
難應到家買羊沽酒具華賸剪紙燒香賽神願湏臾見面
喜復悲預擬張燈樂終宴小童牽裾白髮歌自從去後情
如何共憐桎梏及同氣縲紲起處遭麾訶暑夜更迭有傳
服風雪慟慄移交柯讓肥誣服古已少自灸分痛那聞多
閱牆禦侮異永嘆射牛作脯誰能問不見田家荆樹枯只
說周家棠棣榮即今友義成風流手足恩深百不憂但見
人家好兄弟左提右挈意綢繆有口莫說都君并有耳莫
聽淮南謠平生樂只猶閑事同其均苦思善易常思骨肉
度間關復見光榮如隔世君家兄弟古莫比慎勿更為生
別離君聞自可保終始永保百年黃髮期

賦得字水成文送子魯

章江飛出贛石來大臯渡頭群玉開神螺浦翠曉光發天
獄山高青練回東江西江小水合章水中流何壯哉雙洲
橫作兩龍劔交鎖石瀨鳴春雷一點分明飛作筆上字成
文下成字滄田桑海說荒唐焉用河圖洛書出文水生祥
不可休坐談孔子思伊周蕭曹管樂不作數倦將往往思
扁舟陳君更在水西住幾回擊楫歌中流鷓鴣河前薜荔

曉赤石潭下芙蓉秋天風吹雲捲大旗王文深發清漣漪
君今歸去事仙賞我亦懷之歌式微

貴妃妙舞圖

太真選入明光宮龍髯天子夢寐慵家遷將相李林甫門
誼市井楊國忠大家醉眼看榜落雙持玉節敲梧桐鳳凰
去矣不復至獨舞飛燕春風中宮壺龍渴曉漏盡錦屏翠
褥金泥融霓裳曲度未肯終潼關戰血燒天紅嗚呼纖腰
一束柳條重如何舞得乾坤動

桃源圖為李志題

丹青妙手稱良工筆端造化真無窮鮫綃一幅如掌大江
山盡入畫圖中晴雲終朝鎖峻嶺釣叟長年卓孤艇鳥鳴
洞口不聞聲日出扶桑樹無影仙桃云花猶紅巖冬草
色仍青葱人行相逢路間默鶴飛不到巖前松衆山環遶
如盤谷流水縈紆武陵曲徬徨幾欲造其間去路迢迢難
著足

題錢舜舉折桂枝

憶昔霓裳清夢遊月中仙子參華轉九天風露滴蟾桂化
作清香天地浮淮南小山如可招空遺金粟結離愁翠葉
離披鳳凰羽寶花瑟縮紛相搖往時相見今重逢天上人
間路豈通明朝手把玉清去坐令四海生清風

題梅

我觀白榆千萬樹花繞天河看花去仙人不識造化奇種
在江南更沮洳蒸翻朔雪凍作香喚回夢影疑新粧梅仙
梅仙誰所指六籍已見敷頊篚堂堂傳相九天上商家霖

雨霖蘇望化作鹽梅鼎更深從此功名幾千丈黃金鑄鼎
乘論功白玉開花鶻神旺岳雲遶空飛不去瞥見西湖一
千樹却同天上白榆花大庾山頭更相遇詩人窮有瘦於
鶻長篇短章豈倉卒黃昏踈影弄橫斜賦得蓬萊建安骨
建安諸子昔未賦北客來吟楚三戶屈子無情不肯招離
騷讀罷長歌些月華輝輝犬如斗浸在寒潭落虛牖倒源
水冷起清冥化作盤空好身手我觀畫梅如畫龍變化豈
與常流通自從瑤臺燕丹粉獨立閭闔歌清風

題山水障

甲戌

青山白雲何處無徐君示我非畫圖不信山水會移徒如

此似是真蓬壺不然何許一尺素那得成群生白鷺一作

山川帶爛然忽見九龍舞一作遙峯上崢嶸削出青天怒

一作中谷空藏隱烟霧坐來眼空泰華小玉女峯尖青未了林深只

恐月光微一鳥不鳴天地杳英英茅露垂玄珠卷舒倏爍

仙凡殊記得曾隨羨門子青雲步步行相扶一作步步手

持一柱擎南天天風吹下金爐烟冥綿鷓鴣啄星斗玉井

墮落青金蓮蓮花能紅復能白朵朵紅雲生白石橫拖綠

水行其間喚取瓊妃作朝食一作望入青栢子膏殘白玉

盃一作芙蓉鮓熟清涼供一作蓬萊水放筋飄然駕鵬客

一作麒麟有呼風謁帝承明廬一作萬歲千持將補袞餘

一片散在紅塵撒驚見臨川遺墨艷神仙舊遊歷歷何能

羨徐君見我歌慨慷物有至寶尤難將只愁雷雨滄茫會

我亦乘之朝帝鄉

枯木竹石

乙亥

高堂白日風雨起
惟石蒼蒼動雲氣
藜深野竹動猿哀
疑在湘江魚船裏
舉頭却見青天青
老樹偃蹇虬龍形
盤根九土比金石
勢與五岳爭風霆
絲蘿引蔓自蒙翳
苔蘚附麗相縱橫
霜繁露重日慄列
堅冰積雪時虧盈
棟梁之姿不易得
天意豈肯隨飄零
新條舊發更修直
老榦輪茵更錯節
翠帷密葉膏沃光
雲景芳華重結實
扶桑倚注啓明東
崢嶸載捧青霄日

題竹

江南處處多修竹
涼雨瀟瀟響寒玉
孤根送出龍欲馳
怒籜纔舒虎猶伏
霽景時開忽往來
清陰迥遶天垂綠
我昔金鑿夜直時
月下風前時見之
天然妙影落文窓
展轉江南勞夢思
歸來食實時斫根
斷渠流水分清妍
深叢嫩篠山雞語
喚醒騎龍朝日邊
故人示我新圖好
淇園渭水空烟草
此君真節萬世同
縱有冰雪自能保

扇中竹樹

常時十五二十過
手弄素月雲間磨
廣寒椎碎墮蛟室
龍影歛入扶桑波
向道仙人一桂樹
秋聲那得萬竿多
洞庭日本通銀河
姮娥夜宴邀湘娥
曙色雞鳴柰樂何

西川四景

丙子

巫山天下無

夏雲崑崙影空翠
十二梧雲墮半地
化作奇峯天下雄
飛入西川作形勢
楚襄微事何足云
宋家小子雕蟲文
君不見今古興亡幾
沓雨世間何事不浮雲

瞿塘天下險

驚湍觸石石欲落絕壁與天爭一握江壑峽東轉奔雷白日蛟龍怒相觸望中砥柱何崔嵬曾見當年征戰來禹鑿漢江猶在眼金輿鐵鎮成寒灰行人記取秋風裏云是瞿塘灑灑堆

眉山天下秀

娥眉春月閨嬋娟雷碎夜響空中泉江南客子喜空翠踏遍平羌江水邊歸來夢寐遶岩壑千花爛錦明帷幄起來如在娥眉巔畫史新圖為君作隴西太白去不還浣花草堂苔石斑西川風景世間少令人長憶娥眉山

雪山天下高

雪山高在西極自從雪未消下視九州皆歷歷五丁力士移不來畫師忽遣秋毫開南州溽暑晝方永展此清

景何快哉君不聞嚙齧使者去已久鮮能知味令心哀

題所翁龍

丁丑

海潮怒捲天風急白浪蹙峩雪山立老龍戲浪蛟蜃隨瓜甲盡帶烟雲濕古來畫者誰最工神妙獨有陳所翁嗟哉此圖多變化雷雨淋漓筆鋒下興來展卷為君題不數僧繇擅高價

題收溪虎

陰森古木倒光影黑入蒼冥萬鷗隼烟微日落起回風下有於兔氣深穩翩翩神鵲噪聲頻玉瓜微張睡初醒金眸照耀電閃爍雪僕虎僕毛可作筆離披意馳騁嗟哉此虎玄錦斑一作夢中日耽耽弛腹遊人間騰身若便鼓餘勇馮婦聞月清都閑之亦厚顏

題馬

秋露溥溥王花白金鞍紫騮度耀一作香陌奚官穩控青絲
韁天仗從容閑王策歸一作來意氣閑且都欲飲靈泉驚
沙磧何當披甲一作仗一作騎爾行一日長鳴空冀北

過鄱陽湖

戊寅

鄱之湖兮雲水杳萬里晴光淨如掃相逢舟子問二姑大
姑不似小姑好小姑昨夜巧梳粧秋月半簾玉梳小彭郎
欲娶無良媒飛入廬山尋五老五老頽然卧不起彭郎怒
趨香爐倒彭郎彭郎歸去來陶令門前春色曉

長安別鄒生

戊寅

西行十月至長安鄒生萬里東南還為言曾度六盤山山
下臨洮河與蘭此行不必凋心顏大雪恐墜層冰間在城

飲酒強自寬明日東西岐路難我漸辭家君漸留君在甘
州思越州一去三年邊月苦歸到家時消百憂我心尤切
念庭闈九十歲親髮髮垂倚門斜日望子歸臨風托寄平
安字寒梅花發報君知

西行示姪禎期還家

平生不作汗漫遊一作赤一作慕從一作遊 骨肉滿商寬我憂一尊時醉
黃花下萬事不醒江波流早歲攀龍客天府浪得聲名滿
寰宇歸來自分閉門過豈一作誰一作料更為名所誤旅影西行
萬里遙一作西一作蓬一作酒一作黃一作蕭一作飄一作蕭一作更一作飄一作忽一作無一作數我一作向一作黃一作河似
泛槎阿宜別我思還家一天鴈影閣秋色兩地月色愁蕪
葭蕪葭蒼蒼一作白一作字露為霜朔風吹女征衣裳料應一步一
回首歸到家時心轉傷弟妹若相問為言各康強嚴親且

解春甫先生文集 卷之三
祝加餐飯我行十月當還鄉

送友人起服之京

結髮相與友不異雷與陳風波蕩漚梗所歷為參辰君行
初向河南時輕裘快馬懸明珠光輝五采照行路悔不相
從同曳裾遙聞鴻鴈聲嘹唳冀得雲中尺素書素書宛見
陳重面我亦揚舲別鄉縣京華為客忽相逢雕盤綺食諸
歡宴豈知宴集樂未終風驚木落親庭空計音一紙淚成
血僻踊祖括何匆匆我苦辭親思顯揚只言得祿榮高堂
潘輿娛侍志所望墓木已扶情可傷祭之列鼎陳簠簋不
似生前歡菽水更有睽離行役時去住存歿無能知君今
得遇昇平日忠孝兼全兩無失三年再上青雲路萬口稱
揚聲籍籍脫却麻衣煥錦衣千金駿馬如羣飛但看蒼生

佩印綬與君同向江西歸

西行寄甥文燧

我祖西山鴈門下西行正直秋瀟洒大雪雕弓射孽狐高
秋玉勒馳天馬却過并州是故鄉先公一作我家并國漢侯王
西江有家未千載南望白髮懷高堂吾甥夙所親一作執
手未忍別黃葉下江臯離愁正如割切一作我當歸思如渴
相思悽惻重綢繆遠在明年二三月

寄胡敬方

以下河州作

梁鴻海曲竄賈誼長沙謫儋耳蘇子瞻夜郎李太白君家
忠簡在幽州功名自分隨烟流一朝行召入宣室君臣魚
水還相投我視諸公豈儔匹十年曾侍金鑾側朔風吹夢
入河州細語荒郊秋一葉臨行

解春月先生文集 卷之二
天語重丁寧萬里西行勞一作臨行 聖主恩轉深
聖心鄉人憐我休嘆息羈鳥終當還舊林

盧氏秋夜賦寄王院判

羈懷不自釋終夜卧復起長風吹河聲瀉入茅屋裏青天
高高素月橫露華淒落羅衫輕干將莫邪欲自見中夜忽
作雙龍鳴志士遭逢若不早遠道憂心急於搗謾說咸陽
與洛陽昨日鶯花今日老我有母江之南盈簪白髮絲鬢
鬢柴門半掩綠樹下落日凝望情何堪我有弟湖之北雲
夢君山萬里隔三月歸鴻又盡飛相思一字無由得金蘭
交契王使君一日不見心氤氳迺來為別忽三載夢蒐踏
遍江東雲平生只欲事高潔骨肉交將總踈絕慷慨臨風
一灑然淚痕滿袖都成血衣袖初乾夜向晨古來忠義多

艱辛江鄉有路且歸去秋風野水堪垂綸

寄新野素上舍

孔明信卧龍士元亦雛鳳南陽千載人星芒尚搖動友人
為道留至今新野文學如喬林松根木下伏琥珀桂枝月
暈生黃金雲臺先輩會風雲鹿門肥遁猶清芬登高吊古
歌慷慨冒使榮名羞後塵泮池芹藻如碧玉濟濟游歌思
樂育琴瑟鼓奏合周詩義理周旋論更僕正如美玉在崑
山山輝白虹五采斑又如璿珠孕深淵午夜騰騰光燭天
干將韞匣射斗牛騏驥絕足超燕然今年射策應相見承
恩早拜 金鑾殿鳳凰臺上聚星期先寄長歌如會面

寄浪田鍾鴻飛

人生倏如寄會少恒別離雖是形與影尚有不見時念爾

解春先生集 卷之二
同鄉里咫尺在浪溪起望空嘆息如隔天一涯浪溪之山
九疊屏玉繩搖曳開青冥溪底金沙千萬點注射日月浮
光晶朝朝暮暮懷相見霜着心旌凍如練別時芹泮桃李
花振落瓊瑤千萬片萬片悠揚拂几筵念爾勗勤簡編
明年花開應更盛香風吹遶君王前

寄李時秀才

新野南陽近郊郭秀產從來多卓犖李生翅出特俊賢皎
皎瑤臺雪中鶴自從少小攻書史萬言日誦如流水下筆
騫騰若有神麒麟獨步紅雲裏又如虎鳳躍鏘然韶鈞鳴
穆王八駿畧西極廣樂軒轅張洞庭我愛李生如玉樹薰
葭只擬長相倚豈知會晤不可常望斷天涯百千里詞林
元老愛才賢聞說俊又心歡然明年奏賦朝一作天闕為

解金龜喚謫仙

詞鑑命相士鍊崖詩

銅之鑑以見妍媸不若書之鑑以見是非人之鑑可以見
善惡之端禍福之機河東薛相士自称老鑑師一雙神瞳
秋水碧三寸長舌霹靂飛曾相水邊遺英作貴子道上單
丁為富兒前年山東睡漢是龍虎今年鴈山處士非熊羆
談言一中理予奪無依違見子勸以孝見父勸以慈見官
勸以忠直則正邪則歌鑑道如此頗合古人之教規鍊崖
道人讀書與詩誤蒙進士賜緋衣龍門上客一日速十年
不調官何遲五湖相見談出處許我再覲黃金墀我心自
鑑復自斷子卿唐舉母容知醉來吹笛客自去天青月在
梨花枝

段炳文四十有子歌以慶之

仙宮紫府八萬里樓觀重重五雲起身騎解豸隨九皇大笑向天天亦喜后羿抱日浴九川驪龍吐珠下秋水崑崙瑤池玄圃裂黃河楚天金鼎熱曉入一作影入東溟堆早紅夜凝一作輝西極搖霜月鳳飛欲下西河州一作忽作西河遊銀城鉄鎖監貍貅可憐歷下老羈的一身千里皆驂騶溼洼說在一作熙河近麒麟墮地真神駿風前繡樹玉成華露顆靈芝金作暈亦知神物出每逢鳳凰棲老梧桐枝空青間世伏鉛汞松苓千載常垂一作長絲段家宿有孝子念夢叶正荷皇天慈搃鍾考鼓慰親壽大醉起舞惟相持生兒始知鞠育苦盍一念爾初生時四十年來如轉軸常苦白日西南馳親今白首爾長大一作兒孫年似爾一作長大親期願頭

孫有子子似爾我歌此頌天應知

再贈

明珠久在驪龍領光彩驚人四十春玉皇案前留不住推下君家錦繡裯群蛟磊落懼未已四座賓朋酒欲傾乾坤天上秀鍾金人間瑞應玉麒麟

正月十五夜有感

河州作

小年行坐依慈母送臘迎春事樽俎自從元日說陰晴且向歲時將十五兒童夾路爆竹喧高引紅燈笑嫋姚青獅傀儡動地來歌鍾徹夜兼鼙鼓家家粉米如雲形團脆蒸甘祀先祖驅讎擊筑闐喧呼剪紙粘花作歌舞雲霞五綵團不飛青紅樓閣開天府黃金蛟龍珠翠鱗十丈流泉口中吐登州海市未足憐河陽花縣何須數里民賣產事豪

添翠衾重筆尖欲挽陽和回蝴蝶無情入春夢朝來閑倚
闌干立忽聽林鴉報晴日殷勤細讀中夜詩一笑雲邊亂
山出

將進酒

故人手攀金屈卮進酒與君君莫辭仲子不援同產服孟
公肯顧尚書期當歌感激風
吳姬楚苧莫停舞黃河
東走不復回白日經天豈能駐田文昔日嘗經過朝酣暮
樂艷綺羅高臺已傾曲池廢祗今誰聽雍門歌我有一曲
側君耳世事悠悠只如此子雲浪作投閣人賈生空吊湘
江水春風南園花滿枝莫待秋風搖落時東山嘯起徒為
耳乘時莫負高陽池

長歌行

有淚莫泣鮫人珠有足莫獻荆山玉赤心徒使按劍看至
寶翻今笑魚目千金蹈海稱達人五噫出關東去秦負芻
無復遇知己空歌白石南山春楚卿相棄復何有於陵甘
作灌園叟離懸偶集魯東門惆悵胡能事盃酒長風蕭騷
百草殘長劍悲歌涕汎瀾金臺駿骨久已化瑤水風波不
可攀畏途羊腸能折軸作詩為謝雲間鶴海上三峯久負
期醉歸休托平原宿

踏青行

春風綠遍天涯路滿院殘紅不知處西家有酒不肯賒愁
坐茆簷日將暮出門時作踏青行晴川雲暖花冥冥時人
墳管吹落日難為一段江南情

題雪景送蕭典簿邦見還廬陵

庚辰

先皇開天兆豐樂政似臘前雪霜作脆者堅良材者成流水不喧冰在壑 聖人御世垂衣裳春風動地千花香亭亭松竹洗膏露紅鱗霞羽參差光壁水橋門三數株蕭公直榦尤渠渠靈椿樹老在南極歸榮起舞當桑榆廬陵蕭家聞自昔撞鼓拷鍾祿萬石振纓青天接翼飛玉筍金門世通籍我生慣作雪中游憶着

高皇淚暗流一年特許一歸省明月撾鼓龍江舟邇來往事如驚電分羨穎叔令人羨鄉人知我問如何勿言又忝金鑾殿

送蕭檢討引高南歸

新雨不成泥鞦韆樹上啼征夫懷遠路家在大湖西別家今幾度楊柳江邊樹念鄉車輪下漸是中年路萬事中年

尚可期人生且莫長別離長別離向何方九河落花晴浦香玉睢斑斑鳧乳黃南望不見三高堂柰此遊子思故鄉我家蕭君濟世早功成身退合天道當時未必去者賢挽不回之卧烟島後來親閱麪成事始識從初去時好我不能赤手縛虹霓又不能委身同草木生逢堯舜世肯受泥途辱眸者誤奮龍門雷蝦蟇朝之自云足憂者舉觴酌白日唯有皇天照空谷張公二吳江生我有千載意不羨身後名為君寫作送行曲曲中摧憂難為情君行不聽我意不平明日買舡棹秋聲亦秋東下窺滄瀛飄然如去白玉京須君禹穴相逢迎相兒不見須相待客行雖遲心不改

送劉希夔丁憂還鄉

我有一斗酒青天灑浮雲浮雲散盡月光醉天地與我同

氛氲我有一掬淚送君歸灑文江波人生祿仕為親養得
祿親喪將奈何去年八月秋風清我尚衰麻辭玉京匆匆
流電別鄉里蚤夜載筆趨承明今年八月送君歸忍着衰
麻更彩衣寄言具慶高堂者莫遣徒為風木悲

送徐其

徐君夙所慕一見青天開天孫匹錦光垂地剪得吳淞江
水來魚龍鼓鬣掀波浪雷雨天台迷鴈蕩筆下青紅照鳳
池歛作虹流一千丈給事金門仍載筆高堂訓典明朝日
奏對旬宣皆第一歸來峻握衣繡天高剋巨斧臨青齊東
邊大海 民庶已覺多瘡痍飲水食藥分內事為子

載誦皇華詩

送友人再入蜀

昔年君去西川時白頭慈母紉征衣衣成五彩相陸離出
門意氣生光輝扁舟泝盡瞿塘險料想一險一度思庭闈
白頭慈母中夜嘆嚴父寄書令子歸歸來復向西川去相
看又作明年期人生飄忽百年內春葉青青秋已稀辭親
掩卷懷李密酒酣擊筑思漸離丈夫老子俱可憐明日與
君重相違君行慷慨當恐懼父母之羊不可以父母許爾
行勿疑

送楊教授之邵武

昔在匡山下杏花手自栽杏花遶天發先生歸去來歸來
雙一作闕下故人滿京華爭脩剡薦非所欲東望閩海回
雲車銅章四寸郡文學夏楚不用施方畧誠能動物物皆
春一作無為人皆無如教官樂臯比坐擁春風喧服事弟子來

如泉問咨唯諾皆聖賢教官之樂不可言為爾再一作為
賦菁莪篇

贈友人韓太守省親還安豐

安豐古名郡才傑信卓立世多忠孝家茂樹翔鸞集淮淝
之水青若葱蒙霍山高氣勢雄興雲出雨滋稼穡黃童白
叟歌年豐歲時吳會商舡來山珍海錯兼瓊瑰家家相換
易絲崇賓從逢迎逢舉孟秋淨天寒事漁獵網罟歸來何
雜選擊鮮醢酒醉臨流操舫鸞弧仍射鴨土俗溫良樂事
多讀書讀律如懸河韓家有子更清淑楚楚瓊林玉樹柯
自從推擇陞鄉郡莅職庶平稱物論十年從政在京華一
日鵬程搏九萬懸知印綬佩蒼玉一作紋父母俱存有真樂
文軒迎養載錦茵畫艦歸榮列仙樂人生得祿思養親有
親具慶由蒼旻朱衣象笏宜通顯綢疊恩榮表縉紳

望潛山歌

東望望見九華遠西望望見潛山高江中洲渚不可數但
覺萬艦春雲濤前舡遠似飛沙起從舡烟中來似螳人生
快意如此時順風微波日千里安慶之城居要衝一掬之
地能消萬古之英雄紛紛誰可掇將去恨血不染江波紅
惟有龍眠老居士畫得山川及文字更有余忠宣公百戰
死荆揚夜夜天光紫喬家兒女淚滴江水渾紅顏得失何
足論三千年事堪消菟舉氣嘘天天亦昏幸遇太平息征
戰却憶

先皇淚如霰吞聲躑躅愁雲屯仰視紅日東方暎

池江阻風

避風貴池口維纜臨川渚白浪如山捲雪花黑雲匝地飛
陰雨此時魚龍爭沉浮江湖石裂無安流馮夷擊鼓怒鼉
吼恍惚可以追冥搜須臾雲散風暫息移舫買酒澆胸臆
鮮魚須得豈問錢縱飲高歌忘岑寂便覺紅光催入顏推
篷且看池陽山九華蒼翠盃中墮對景不復論鄉關尊前
携手有知己前程嗟嘆徒為爾青雲有路待我來一日南
風歟千里

繁昌阻風

繁昌夾前風阻客逆浪牽舡滯行色坐數歸舡疾如箭俄
頃飛帆浪中沒我非尋常流宕人等閑不遇閑悲辛讀書
學得萬人敵直將富貴輕埃塵若不見當壚逸才題駟馬
不如安石濟天下古來豪傑為時出肯逐青牛度關者丁

寧北風且少停會看一舉登玉京未把升沉問瞞尹欲共
姬周論治平不須對此嘆坎坷世事到頭俱瑣瑣成功拂
衣歸東山日高卧

白扇歌

剡溪白繭青篔簹素練翠濤一作白波素練霜雪光金刀剪出雲

一片入手颯颯清風涼可舒可捲不盈束不奢不儉愜人

欲碧波瀲灩海天平一作長清香瀟洒淇園綠絕勝娥眉山

月半輪秋又如渤海玉樹珊瑚鈎白羽之輕不足比齊紈

之潔那能儔備哉官樣何從得不方不圓亦不缺一作天集

妙無龜鼉躍破玻璃紋鳳凰踏斷琅玕節疑是姮娥月下

裁狂風吹墮天山側又疑馮夷捧出碧波心江妃水仙惜

不得祝融南來鞭火龍閭閻盡在紅爐中窓下書生當此

際便覺兩腋習習生清風飄然如在蓬萊宮又如駕馭羽
輪飈車渡弱水十洲掛在水壺裏翱翔三千界扶搖九萬
里排雲叫閭闔乾坤淨如洗何須避暑子雲亭何須濯熱
瑤池水何須更住白玉京何須遠訪芙蓉城青冥風露非
人世何如此翮之清清玉川子丹丘生胡不持之朝帝闕
為我掃除天下熱

答胡學士光大

去年雪中寄我辭一讀一回心轉悲結交誰似金蘭契舉
世紛紛桃李姿我觀百歲須臾爾人在乾坤猶釀器清醲
糟粕總成空四海滔滔豈知醉我是浮雲與世爭醉醒自
是難相諧天地悠悠尚應盡百年草草為形骸吟詩作賦
愁肝腎絕穎屠羊爭筆陣筋苦骨竟何為一榻清風萬

年盡襄陽太守何其愚沉碑水底誇龍魚至今人笑陵谷
改亡吳帝晉今何如我有窮愁何日寬醯雞起滅閑獨看
痴兒細子能萋菲毀滌辱吾何于今年春到花應早預
擬南園踏芳草細看春色天上來萬樹芳花照晴昊莊生
久矣喜逍遙陶今何曾恨枯槁斃醢一醉也徒然一諾千
金永相保

過蒼梧峽

廣西下來灘復灘三百六十長短灣潭心綠水緩悠悠長
灣凝不流滄滄千尺靜見底隔岸空行魚曳尾忽然路絕
山勢迴峽口江深如怒雷石觜鑿鑿森鯨牙龍騰虎踞如
回車我行已過正月半一夜水生浮漢槎龍潛虎伏杳不
見但見蒲江圓浪花浪花飛雪捲萬瓦舡下高灘疾於馬

浪舡俱起空中擊舉柁齊橈不容力舟師持篙眼如虎指
住石頭輕一擲水痕奔箭石竇急老稚懷憂多掩泣齒聲
卜卜叩神靈拋紙燒香齊起立爲言水淺僅容舸篙師失
手爭纖毫水聲怒起兩崖近撇漩指顧隨洪濤龍君水白
似相曉此水不大亦不小燒牲瀝酒謝神功好似春游在
靈沼翻思初下象鼻山怕問行人多苦顏驚心樂水昭平
驛慮患防虞不暫閑忽見蒼梧山在目已聞鶯語自間關
豈知平地風波惡何處安流不險艱此心常似初來日三
峽滄溟任往還右予自蒼梧下平樂之作其險也如此遂
能識
之

題扇 二首

踈踈雨濕湘江雲湘江美人思斷竟蒼梧帝子去不歸錦

城公子何時迴我欲攀天借取清風明月三萬斛掃除閑
愁與昆明之劫灰劉郎劉郎絕代頗希有秋菊寒泉酌玄
酒談中風味心自知天下炎涼一揮手

瀟湘翠竹堅如石開刀削出長一尺安排玉笋鴛鴦行粧
點丹山鳳凰翼一陰一陽次第摺開合渾如棕樹葉西山
淡月懸姮娥南園綠草飛蝴蝶擬是馮夷捧出碧波心江
妃水仙惜不得祝融南來鞭火龍萬國如在紅爐中幽館
書生當此際惟覺兩腋習習生清風六月燒空火龍起路
上行人汗如雨動將不至清風生亦猶孟子見王雪宮裏
紙

剡溪藤魚網線搗剉如糜浸水況神工抄作五花箋鳳舞
鸞翔雲片片漢庭帝子愛如寶詔下蔡侯多製造文華殿

上賦新詩 御墨淋漓盡章草

筆

未用怨頭白用時頭轉黑未用暫幽閑用時何逼迫須臾
索我風雷驚明時用我致太平君子用我流芳名鬼神見
我俱潛形五經文字傳今古蒼頡由來知我苦十萬雄兵
我解和那用敲金兼擊鼓

墨

北方黑帝驅松使松使噓烟滿天地神工幻玄霜飛一
歛搗成烏玉劑腦麝勻膠香屑屑巧製如琴復如月休論
價值重如金貴在玉堂堂上列出處相同毛與猪生也同
生死同死結隣好箇石鄉侯親我更親二君子天池共沐
恩波慣彩鳳龍光幾璀璨五經載道孰爲先匪我傳來那

得兄

硯

我家住在端溪裏窈窕白雲最深處吾宗骨肉徒紛紜惟
我遭際明時器瑜麤見我性質實俾我日裏相磨捺毛穎
先生常似渴一飲池中水將絕玉堂金馬許多人惟爾三
子情最親愛我堅心磨不磷案頭長立侍君恩

水滴

月窟一蟾蜍變化何所之秀拔三峯巒更蟠兩蛟螭或化
北海魚或變南山鹿長河與百川一飲歸吾腹須臾噴出
雲烟起濡毫細寫龍鸞字筆底回春有生意解使雲行兼
雨施

題泰和普覺寺壁上畫水

曾生畫水真是小乍見即有風雲隨神閑意靜看漸遠以
手摩拂生驚疑曾生奏和人表字字同可浙江橋頭坐幾
年彭蠡浪花分翠黛歸來却掃青屏壁寶藏四圍驚霹靂
蒼茫雲雨散不收白龍捲水當夏日始知曾生古來少又
聞寶藏聲粼粼一夜不眠雞向晨并刀欲剪且未剪怕有
仲尼來問津

寄周吉士

青原白鷺城迢迢下有文水明珠橋間闌撲地鍾鼎食多
是先朝舊宦僚周家雙井名最久華葺堂深介眉壽天章
奎畫動星纏大冊高文垂宇宙昔人作郡多仁恩耄倪卧
轍留攀轅遂令奕世有家族千里百里棠陰連白沙翠竹
槎溪上別墅山泉恣幽賞百年嘉慶毓英賢二十青春登

虎榜鳳凰池上忽相逢却憶垂髫歡愛同風波萍梗蕩離
合日月夢寐隨西東禾川送別情何極龍田立馬看山色
對月高歌共扣舷簸蕩玄潭老蛟窟畫舟曉發清江湄望
望庭闈思欲飛平原綠野有真趣西洞溪橋勞夢思前年
重會箕山下獨鶴孤琴暫瀟灑當時霜雪徧郊原但見青
松與梧檟願君且保金石姿岸芷汀蘭堪佩褱與爾重尋
舊時約青山白首同遊嬉

趙子昂梅竹圖

王孫襟懷絕塵俗迥若簞管在空谷又如仙子下羅浮雪
月梅花冰映玉時將翰墨自寫真心手相忘道機熟流傳
後世作者稀丹青采繪工絕奇寒聲夜讀暗香起妙畫通
神那得知

題王家節婦圖

壬午

石火一擊無流光，心灰不假終能藏。沉淪東海一千載，用之瞬息成沸湯。王家節婦非石堅，生孩六月喪所天。污泥不染紅白蓮，鸞膠不續冰霜絃。有子無子賢不賢，大節明堂非偶然。今有賢子孫，滿前節婦初心非。所悛貞夫烈女，無後顧，惟有皇天不相負。

東湖覽勝

十年不到豫章城，鎮蛟宮中新水生澹臺。祠下日午觸熱更上聘君亭，聘君亭前無亂蛙。此事或有非人誇，聘君高風自千載。况有湖水明丹霞，望中西山青似暮。參差開徹芙蓉花，登高覽勝興未已。柳風吹天涼似洗，青眼故人殊已稀。慷慨更讀南豐碑。

送素士梅之武昌

癸未

漢家名臣美風節，流寓江南多閶閩。淦西魯上烟雲臺，望見桐花白於雪。桐陰令族誰與齊，高科顯宦朱輪馳。家君品藻進士策，驚喜素家雙桂枝。忽忽至今三十載，令尹高情隘湖海。舊日高峩豸角冠，回天撼岳何英偉。武昌大縣稱繁劇，九萬鵬飛不勞力。年年使者觀民風，漢庭循吏拜三公。

送太尹郭子成之房縣

昔日相逢淦西澗，啓口論心即相契。新詩自謂力抗虎君，亦沙場百戰兒。君家父翁冰雪姿，老父張侯江海奇襟懷。灑灑度晴雪，態度藹藹飛虹霓。霓眉塘夜雨，春風顛酣歌。數子皆神仙，京城昨日偶一見。轉瞬須臾，今七年重瞳識別。

齊舜禹錦袍又拂金爐烟咨詢撫字且作縣磊落羣利終
天然都門雪後泥一尺甚欲相送行如緣剛腸有淚不肯
落盃酒未得伸勤拳凌晨聽鼓入內直綢繆衷曲無由宣
勿謂房州編戶少中年一縣今流傳

送伴讀黃體方之汴梁

與君結交二十年兼葭玉樹人共憐醉揮一筆萬行字字
字迥若珠璣連涓湘小邑絃歌廢追趨後入承明地石渠
天祿校詩書梁園華洛隨珠履瞳矐曉日別西華東風已
繞龍河花莫將音信使踈闊天下應時有使槎

送黃希永給事歸

乾寧進士忠孝家莆田給事瑩不瑕金鍾早振壁雍序丹
桂已擲龍門棧載筆彤庭舒化日歸軒青樹亂明霞

先傳慈母念夜烏獨感行人嗟及時綵服羞菊盞何處南
山萱草花

吳山書院詩

天開象緯日與星地靈川岳萬彙形羲書奎畫河圖呈萬
世照耀傳六經賢傳羽翼衆喙鳴博通貫一量重輕譬猶
作室矩度程群材咸萃無竒羸曲可使直陂可平指顧左
右集大成吳山竝立太古清書舍臨高踈牖標紫雲紅霧
棲前楹萬家玉樹森在庭牙籤歷歷黃金騰萬軸架插明
星熒斗牛午夜虹光頰天官早歲嘗躬耕養志餘力篝火
燈布帷黝黑積暈成秋囊或貯山下螢有草如帶似堯蓂
隱德自足通山靈時來九萬隨風鵬橋門壁水揚華英鉄
冠珥筆朝承明繡衣持斧白至京從龍天飛掌銓衡春官

侍從鴛鴦停乃知讀書助脩能萬事轉圜無滯凝他年有
待懸車榮錦袍山下濯冠纓買舟相送試一登吳中俊彥
來相迎歡呼共覩賢公知鄉人子弟傳頌聲重作吳山書
舍銘

葵軒 為御史羅貫賦

御史羅公玉色奇示我葵軒之好詩種葵遶軒花匝地心
與赤日同光儀錢塘本是繁華縣羅公獨有葵花羨嬌痴
不恃兒女憐獨與太陽看正面金雞飛上扶桑紅湛露沾
衣吹紫茸覆盞金盤日初上錦袍赤帶大星東湏臾拜罷
看重瞳火龍已駕青天中不敬不側甚正直開口論事丹
心同晚風吹天翠蓋偃濟濟重圍皆蹙蹙戰手辛毗欲引
裾毅色班姬正辭輦少年看花當作詩未覺造化如此奇

暑雨移根補芳榭秋風折朶寄天涯惆悵相逢 北闕下
為言舊宅多瀟灑開窓雲影入窓流開戶風泉兩盪瀉是
時讀書奉母慈名軒已有青雲期忽來移栽九天上誓與
皎日明相隨舊宅又如官舍好醴泉甘露生朱草葵性年
年似舊時綠衣換得斑衣早會看驄馬晝遊歸故園葵色
生光輝

雙栢軒

羅君寓舍雙栢樹逸民先生手所栽百年雨露色深黑延
平劔舞盤渦回五年城中幾萬戶班枝花落真無數一葉
熒熒瘴癘寒兩株兀兀青天怒先生歌笑遶百匝白鶴忽
已來天闈月高上鶴入雲去滿地碧苔生紫雲盤踞落落
多月絲忍看燕雀競朝昏及時正好為舟楫濟衆東西南

此人

攬秀樓 為文輝題

華山盤迴嵐氣濃鴻鼎旋達烟樹重靜思盤作綠羅髻鰲
溪削出玉芙蓉羅浮逸士樂其樂數仞危樓攬藜薄露桃
雲杏插丹青松栢琅玕秀城郭方壺圓嶠真可求縈紆曲
徑通深幽數畝田盤谷曉一壺春酒環滁秋酣來坐據
花間石斜倚龍泉看清碧又聽禪寂石灑淙飛流瀉瀑三
千尺靜思瀟颯吹裳衣蒲懷爽氣常霏霏浮雲借向簷端
宿好鳥飛從天外歸樓中左右圖書列樓上吟哦伴明月
博帶我冠日往來談論風生灑晴雪勿謂閑居遠市朝芝
嶺曾聞詞幣招祇恐鳴騶入空谷不怕雲深山路遙

鳴琴亭 為橙溪羅顯道題

道遙陳塵一作委摧折桐良上斲削回一作蟄龍朱絃一奏

烟霧瀟一作飄飄六合來天悲一作風初擬簫韶度寥廓又

疑秋風灑幽一作壑高亭欲待得一作鍾子期千載誰聞一作

我亦來聞九臯鶴

拙存齋

古人巢居無棟宇不識軒楹與穴處草衣肉食鹿豕遊豈
解烹煎弄機機南華忽驚混沌死鑛火調珍衣色絲尚賴
天君坐垂拱廉衢擊壤歌雍熙後來巧逞多矜誇朝開幕
落木槿花不見扶東老桑樹枯枝猶在泛靈槎說是吾兒
弄潮者何年舟楫到天涯

題恒齋卷 為王以中作

蟾輪火精蟻旋磨萬世經天天不墮循環轍碾觸木鍋籠

鵜辟鏑九坂過得天一
磋恒以乾健夕匪惰義輝
育若東風和尺有五寸南則訛白景熠燁金注科黑精騰
騰水嵯峨下有碩果勢拙
相尋乍歷隙不蹉真人起變
易那憶齡因革豈易俄孔曰百世知靡他恒齋儉侈堯桀
分承盈雷宇柱以焚環堵覆土朴不文幕天席地醉眼醺
無門無傍無域畛青天歷落散綺珍八荒庭除列鼎祠古
人今人迹可親何作何息何新陳艷冶不達長生身抱一
何必仙與神箕踞酌斗擁北辰四溟四筵飲吸空一氣回
薄西復東熙河兩膝寓即容粟粒溟濛將無同薄海內外
如齋中萬民萬歲顏如童相率恒朝萬歲宮

劉于京行樂卷

劉郎不是尋常者風流肯在他人下手中
着青絲纏街

頭走跨青驄馬狎兒挾彈黃金丸劉郎坐據黃金鞍趨新
衫子青瀝瀝細膩棕笠光團團焦桐藏在紫錦囊袖得王
帕花羅香回頭一顧二三子舍嬌含態變鳴璫劉郎半掩
東風面桃花上臉阿堵光人生行樂須及時河沙草綠驄
馬肥草頭露晞君始出花稍月上君未歸門前曲巷新甃
玉家有黃金無不足子孫孫子滿眼前
如花千萬斛

龍山李氏行樂卷

金陵客舍驚秋早故舊相逢即傾倒未詢市上新富兒且
訪山中舊遺老李君自昔稱文儒雙瞳炯炯長髭鬚石田
茆屋堪為記流水飛雲山自娛閑來乘興無遠邇竹杖芒
鞋隨去止世人笑咤任紛紛榮辱升沉同逝水別來五載
未承顏幾回清夢到柴關借問君今年幾十龐眉鶴髮顏

如丹有時高齋成獨坐心事悠悠忘物我秋風吹老澗邊
薇寒禽啼熟庭前果開壺與客更忘懷天然之樂誰相猜
盃中綠酒經年熟几上朱絃舊日諧豪歌大醉便起舞華
月窓前夜當午大兒三十喜延賢小孫七歲能歌賦知爾
幽居樂更多渭川盤谷豈能過或從仙洞驢黃鶴每倚池
亭看白鵝嗟予少小慕芳躅亦欲相從結茆屋禁林空忝
受君恩為賦新詩在空谷

題琴歌

甲申

有美人兮彈素琴天風落紙生徽音大絃泠泠小絃作九
臯彷彿聞啾鶴初擬石間瀉出泉又似松颺鳴萬壑有時
雪裏對玉梅還將三弄相褻褻數行吹度聽不見捲入仙
闕金銀臺仙人聞之應嘆息乘雲便欲來相識手持一束

白鸞紙與君掃却瑤壇石請君便彈天上譜天香滿袖天
花舞歸來不記海生田世事淒涼半塵土殷勤便待人間
曲清韻琳琅少能續市橋太守那得知時時擊碎崑山玉

萬竿烟雨圖詩

高君昔年豪氣如長虹揮手畫竹如畫龍烟雲卷舒白日
動霧雨變化常晴空長林倏忽千萬疊尺紙搖撼銀河通
荆揚山開洞庭拆宇宙颯颯生涼風縱觀未辨節與葉脫
畧形似超凡庸畫名書法兩不論筆墨之外疑天工為愛
夏官少司馬極口稱道不覺言辭重便將妙墨等淇澳傳
播四海來詩筒大篇短章悉絕好金宣玉振歌春容此君
心事比造化豈天聲色驚盲聾誓將松檜歷冰雪笑拂蔓
草紛青紅夏官尚書更瀟灑邀我賦詠無雷同太平達官

解春風先生文集 卷之二
五
賸閑暇幾欲徑造軒窓中推窓見畫倘見竹燒筍作飯疇
能供擊鮮醲酒集嘉客為奏流水朱絲桐劇談古今合風
雅俛仰賢聖迨冥鴻萬竿烟雨坐來霽共聽彩鳳聲雖雖
胡馬出獵圖 乙酉
朔風吹沙沙作陣陰山峽口水數仞胡羯成群跨鞍馬馳
驅並向平原射蒙茸貂帽狸尾鞭臂鷹欲掣窺遠天彎弓
宛頸取箛箭雲裏駕鷲應未見機心設險胡俗然烽燧年
年燒近邊秦築長城費民力却令中國銷鋒鏑包桑之計
在防微武衛文教奮所宜先王不廢蒐狩禮端坐明堂朝
四夷

龍門行樂圖

龍門山高插天起龍門水清深見底大風吼雪翻銀濤天
上火雲燒赤尾東連螺浦西釣臺三十六灣相縈迴白晝
彷彿號春雷恠石如龍雲作堆南陽公子好瀟灑行樂向
此龍門下錦囊繡袂綠瑤琴紫裘烏帽玉驄馬有時躋陰
躡崔嵬洞觀波浪胸懷開小姑二山不盈尺鄱陽一水大
如盃興來長嘯山下去自覺精華與神遇酒酣握筆賦歸
歎颯颯花箋灑風雨信知出處非尋常九苞之鳳巢梧岡
天子龍門異巖穴何當携手入廟廊

松下有老人携童子抱琴

丙戌

遠汀細草春茸茸潮迴岸石高隆隆槎牙古樹蘿蔓蒙晴
雲遙映雙青松粉花金屑墜早蜂落落偃蓋驚虬龍老死
不受秦人封幾回做元冰霜中紛紛桃李爭春紅苦心不
競東南風抱琴散髮何山童拄杖飄然一老翁扶携舍此

將焉從我疑只是商山翁漢庭赴召何匆匆當時應被木
石笑苦雨西風鳳凰叫

春輝堂

廬陵周子行純孝作堂奉親祝親壽花隨竹影漾醴醑日
舞斑斕捲長袖南山橋梓念不忘寸草離離春日芳出門
莫道遊子嘆歲歲年年親壽康

春萱堂

越州孝子事行役綵侍潘輿映朝日歲時力作禾黍登昕
夕承顏起居吉薰風種得萱草花北堂宴坐觴流霞人間
五鼎未足羨世上浮名徒自誇雍雍琴瑟旣在御嘒嘒墳
窳亦相適四時樂事滿庭闈一點閑愁無夢寐人言萱草
解忘憂不知和氣能相求若將陟岵興哀嘆得見宜男應

更愁信知草木有同味薰蕕自古難同器屈生蕙蔭落沅
湘謝氏芝蘭長庭砌越州孝子獨苦心二親存沒思慕深
生祥下瑞無休日孫子繩繩嗣好音

雲林書屋

為述符高雲題 丁亥

南山當戶青削玉蒼蒼古樹屯雲綠浮空長日蔽涼陰閣
宇隨風散晴煜江飈泠泠吸不動有意從龍翼丹鳳秦嶺
時興韓愈詩陽臺夜入襄王夢紫林絡石紛紛入杳冥昏
默寒聲泣翡翠葉中雨欲流珊瑚枝上晴猶濕中有高人
結茅屋燈火琅琅夜深讀案橫汗簡三百篇架插牙籤千
萬軸中垂數字大如斗銀鈎鈇畫烟霞逸芸草春香辟蠹
蟬琅玕畫影移蚪蚪闌干十二幽復幽遙吟俯唱暢悠悠
清風明月自昕夕黃籬綠幕開春秋勗君勉勉循天爵起

奮遐齡聳寥廓為歌一曲長風生青雲掛在天南角

題王子通聚禽圖 戊子

水禽交交樹禽語白鴈飛鳴蒲洲渚愛殺林邊鷺一拳點
破汀洲半江雨燈前展卷醉又醒誰將妙筆傳丹青細觀
物理真自得吾亦結社來郊坰

戲筆買魚歌 為陳檢討題

長廊翠壁春風香千絲綠玉垂青楊沉沉雨濕鴛鴦尾飛
絮無聲吹嫩涼百戰捷兒花刺身雕龍纈錦青作鱗蛇子
鎖甲蛛網結甘作中年無事人鬢鬢未受霜華染回首前
年如過險厭說亂離欣太平短短衣裳不掩織成蘄竹
黃琉璃兩管添擔鉛粉朱推油熟紙細熨貼追逐兒童行
買魚小魚潑刺金稜椀困圍紅黃雲滿滿坐伴兒戲未論

錢斜陽欲落籬根淺一兒欺之掩其目故改痴痴笑回鵬
兩兒挈榼窺其魚竊得欣奔躡而哭後來二女騫繡簾扶
出細兒求乞添坐閣少婦意尤美如此九子皆織妍畫工
畫得無窮意紛紛百事皆如戲造化徒勞作弄兒祇許買

魚翁自知

筠窓讀易 巳丑

我家鑑湖山水僻七百年來讀周易化龍江上栖鳳林雲
淡風暄奏金石後來端簡白王堂鸞坡萬竹聽鸞鳳葦草
叢生紫雲擁龜文落釋占星芒若家亦在歐鄉住藜燄光
輝舊遊處深叢密篠映河圖人在筠窓淡思慮秋霄露華
滴蘂珠涼月正照窓中書研朱和露畫奇軻軻造化論
錙銖明年歸鄉定相見與爾細論義畫前兒車童觀再三

讀孔聖晚乃親帚編淡泊誰能味玄酒希聲雅奏難為傳
高攀璿璣飲玉醴醉倒宇宙空中舟希夷歌詩念舊隱陶
令作賦思歸田筠兮筠兮有生理春雨一夕龍騰天

題百子圖

天無一日俗四時人無一毋生百兒何人筆端奪造化天
時人事俱備知三三兩兩如魚隊日長遊戲欄干外攀花
折柳爭後先採菊東籬相向背昨觀此圖三撫几多憂只
為多男子生子當如孫仲謀人生一夔亦足矣

挽辭

二南風化出閨門千載寥寥今罕聞余家壽母保貞淑紅
芳白髮如朝昏葛覃卷耳有師服樛木螽斯歌盛福錦衾
角枕粲牙床朱芾金章艷華筵百兩如雲未足誇宜男繡

綬明朝霞紫鸞玉樹青天下翡翠蘭茗紅茁芽謂宜壽考
如岡陵松栢高高偃蓋承如何一夜風雨惡吹墮黃姑織
女星子孫有淚欲成河高堂夢覺驚南柯更徵文字立穹
石龜龍錯落高嵯峨嵯峨自足感行人允顛揚名在立身
君不見陶梭亭下墓至今猶憶淚沾巾

怨歌行

庚寅

絃奏鈞天素娥之寶瑟酒斟流霞碧海之瓊盃宿君七寶
流蘇之錦帳坐我九成白玉之仙臺臺高帳煖春寒薄金
縷輕身掌中托結成比翼天上期不羨連枝世間樂歲歲
年年樂未涯鴉玄粉白澹相宜卷衣羞比秦王女抱衾誰
賦宵征詩參差雙鳳裁筠管不謂年華有凋換楚園未泣
章華魚漢宮忍聽長門鴈長門蕭條秋影稀粉屏珠綴流

螢飛苔生舞席塵蒙鏡空傍閑堦尋履綦宛宛青陽日將
暮惆悵君恩棄中路妾心如月君不知斜倚長雲和淚垂

少年行

千金換寶劍短後縵胡纓銀鞍照紫燕雜還洛陽城洛陽
城中足年少陌上相逢開口笑按鋏長歌猛虎詞彎弓直
上呼鷹道歸來買笑何所驩白日推擲夜未闌百觴每共
朱家飲一飯羞從漂母食胡姬二八垂兩袖短笛橫吹折
楊柳一曲臨風意氣生珊瑚擊碎亂從橫春來秋去只如
此五侯七貴為知己却笑侯嬴老抱關白首夷門不甞閑

贈蕭士信

蕭子我同年京華又同邸朝朝携入禁廬中歡呼醉眠秋
共被是時士信故鄉來聚首爭聞故鄉事信也為人更純

敏盡得梓里清爽紫卿相傳觀皆省心為言顧陸嗟何近
群公寄詩請寫真如此何必圖麒麟十年歸鄉復相見舊
友凋零淚如霰開卷長吟一灑然猶足相看舊時面

桂林歌

庚寅

永樂第八年庚寅春王正月廿有四一陽真人駕詩槎愛
煞江流學文字游游漾漾清湖邊清湖萬頃涵青天桑野
模糊藏暮雨柳洲綿亘鎖朝烟詩槎泊在滄洲背忽見高
林挺高在桂家住得最清高不比尋常巖穴裏借問春桂
何事獨無花不與群卉爭繁華姚黃魏紫空富貴桃紅李
白徒豪奢春桂答云君知否芬芳要在風霜後千林萬木
搖落時白蓋丹心分照耀翡翠堆裏金粟黃千朵萬朵聯
秋芳秋芳人名也金風滿天散露氣明月萬斛懸天香昔年曾

到廣寒宮芳菲絕似金林中玉兔搗藥不顧形彩鸞起舞
猶從容姮娥雙雙勸我酒蟾蜍蹲踞來稱壽自言搗得不
死丹昂頭捧獻前稽首金丹入手光陸離呼吸元氣飡紫
芝遂令賣藥遍天下至今賣藥仍賣詩賣詩賣到桂家去
桂家留我千年住婆娑老樹歷水霜延蔓新枝蔽風雨皎
如玉樹森成林成名亦湛如明鏡磨精金亦有名君家兄
弟不易得一門同氣還同心戒審屏改警非意有戒非審
非警非五兄弟也非屏非改瑤環瑜珥敦信誼讀書不負功名期好比燕山
之竇氏昨朝林下華筵開花香飛入黃金壘門前長有車
馬至座間盡是鴻儒來相逢不飲真負人明香一炷時自
熏興來一掃千百紙龍蛇騰躍隨風雲隨風雲度銀漢臨
池宴罷天上回斫桂燒丹金不換

憂患中嚕友人之子入觀

我昔曾遊閬溪上閬苑仙人過相訪開筵醉月坐瓊花氣
吐虹霓各千丈葛山對面如屏帷白雨一洗青琉璃啣紅
飛鳥忽來下勾漏丹砂明日歸武城公子携客來卿家歡
甚懷抱開傳觴踊躍催打鼓倒挽河水添金盃高懸大畫
畫白鴈畫者濠梁崔子西濡毫請我作詩句大壘尚有宣
和題聿來賓從甚雜選論古稱今恣歡洽門豎岩堯百歲
坊翠柳黃鸝聲恰恰翻思此地盛文儒六一文星照碧虛
鳳凰瑞世西山於菟孝感東門徐潭學士登金武城
直院祠先人當時墟曲勝鄒魯絃誦日夜聲相聞繁華事
往文字存靈芝瑞草香氤氳麒麟繡紱光墮地鸞鷲和鳴
鸞鳳群別來倏忽三十載重尋舊夢無時改亭亭玉樹立

當霄天馬空行見風采魚箋索我遠遊詩并道嚴君勞夢
思半生足跡厭江海陶令欲賦歸田詩如何更有驅馳想
壯士飄飄九天上買舟東下朝王京彭湖匡阜入眼青大
江橫流作天塹萬國如此宗神明觀光禁禦日五色訪道
喬門奏金石蓋珠宮裏閱瓊文金粟林中話空寂草堂古
篆兩三行正如金薤垂琳琅吳人天璽殞星石皇象字畫
蛟龍翔暇時載酒一坐卧明珠徑寸當空墮拾裝又作薊
門行折津之水浮蓬瀛天回北斗運此杯地合九城通杳
冥黃髮含哺鼓腹歌常從五夜聽雲和周宣中興有石鼓
奠鼎國學包山河君能觀此實竒偉下視五嶽如坡陀會
當拓取一萬本便可拂袖歸山阿買田築室守金玉扶老
携幼瞻羲和重來閬溪為翁壽與君握手同遊歌

春來曲

人逢春來喜我逢春來悲春來春去催人老百日光陰能
幾時去年常春髮如漆今年逢春髮若絲人逢春到好顏
色我見春來頭愈白一片飄瀟似雪垂縱有春風消不得
憶我初年十四五每到春來強欲舞讀書一目數行下醉
後傳觴不知數朝辭家入京國正是鶯花二三月東風
滿路馬蹄輕一日走遍長安陌此時紅顏方少年瀛洲步
武如飛仙常臨螭陛奉清蹕時拂雲箋近御筵自從衰病
困懷抱一回見春一回老趨朝上馬要人扶形態龍鍾貌
枯槁尋常怕雨又悲風白日看花如霧中酒腸不慣易成
疾詩句懶題那得工昔何勇銳今如此始信蹉跎真老矣
吁嗟天運本自然寒暑倏忽相推遷老聃彭祖今安在瑤

池溺水皆虛傳眼中豈無曠達者擊節和春來篇

吉水清潭集虛觀詩

洞天郁木仙所都避秦亦有驪山徒九仙同日上龍湖世
傳此事應模糊漢皇求仙溫詔敷築壇除道通屬車玉笥
天降仙冠裾环山百里草木乎清潭上有丹鼎爐危仙陟
降來此圖有唐中葉誰所廬太寧高君起集虛白沙翠竹
相縈紆瓊林瑤樹枝扶疎文節大書照金鋪鸞停鶴峙霞
采俱塑像儷若天神趨觀者起敬生怡愉祈靈集禧灾害
除上應列宿斗牛虛萬歲永奠東南隅

吉文水西重修崇仙觀辭


匡山有祠靈應彰上麗斗極通文章故家主者蕭公綱晚
有羽服騰芬芳琳宮璇題金壁光歷年興起無顛僵鬼神

呵禁驅不祥祝釐覃福世道昌世與右族相頡頏

寄希顏張先生詩

平生之友信侈矣親若君門復如幾堂堂玉樹切雲霄蕪
葭有願長相倚自古聖賢多轍軻世上兒子能臧否紛紛
不足數含情向君吐寤嘆未已輾轉思折薪何如必資斧
張負猶能識丈夫雲長不可輕吳武紅巾即繫雙鯉書慙
慙為致西王母

解字士文集二卷



解字士文集二卷

